



覺顛冥齋
內言

弟子鄒樾賢敬題

光緒戊戌
長沙之刊



佛氏之言曰一切微塵國現一切相成一切法皆非眞實今夫黃帝爲中國生人之祖至實也而百家託之言人人殊則所以權之者無一定之重心矣堯舜至實也而孔墨諸子述之言人人殊則所以權之者無一定之重心矣凡事亦然謂明爲明有至明之明則小明爲暗謂寒爲寒有至寒之寒則小寒爲熱謂動爲動有至動之動則小動爲靜謂智爲智有至智之智則小智爲愚故凡事無一定之重心以權之卽安有一定之眞知以灼之舉大地生人以來之政教學藝曰孰爲新孰爲舊今日見爲新者明日又見爲舊矣明日見爲新者後日又見爲舊矣世界無止境新世界之心力無止境充而極之至於毀地球絕軀殼任靈魂游行三千大千華嚴性海中無止境今欲綜四千年之政學而溝通之莊子所謂陳迹釋氏所謂過去生中筌蹠而覺顯冥齋內言

序

一

已矣泡幻而已矣然而吾微言大義之教統豎億劫橫冰海通星球世可界而素王之道不可界何以故曰惟公理公理者何大同之道也一國新而一國大同萬國新而萬國大同一世新而一世大同萬世新而萬世大同大同之迹破國界破種界破教界大同之精破世界悲夫彼芒芒蚩蚩者龔委巷之談守一先生之說工帖括則以帖括自界工詞章攷据則以詞章攷据自界工鄉愿忠義則以鄉愿忠義自界絕不知我外尙有我國外尙有國天外尙有天蠻觸國於蝸之角爭地以戰蜂蟻競其君臣之倫爭綱常以存其戰其存是也其戰與存無益於生之數則不足道也泝游於顛冥之鄉見夫行者居者坐者臥者醉飽者酣歌者羣儒熙熙如登春臺懷葛之民哉職而示之大同之理爭存之道則鼓而詬之曰異端復莊語而悚之瓜

分之慘種亡之禍則愕眙爲間曰世甯有是雖然氣數爾爾弗
可爲也余乃爽然吾之恥其舊者人乃駭爲新也吾之自愧弗
知者人乃恃爲真知也退而撫撫吾數年粗明公理之條段釐
之以志吾過其於萬物蕃變之故政學紛綸之原未之百一而
揀世度眾生之大願頗復蘊萌於是循而求之道不遠人哉其
中君主民主君民共主三表則武陵蔡鍾濬爲我作者時孔子
降生二千四百四十九年也瀏陽唐才常佛塵甫自敘

卷一

史學論略

最古各國政學興衰攷

各國政教公理論

兵學餘譚

覺顛冥齋內言

序 目錄

交涉甄微

外交論

通塞塞通論

各國交涉源流攷

卷二

公法通義

使學要言

各國猜忌實情論證

論中日通商條約

論高麗與各國交涉情形

卷三

各國種類攷

日本寬永以來大事述

卷四

時文流毒中國論

湖南設保衛局議

湘報序

辨惑

論熱力上下

論中國宜與英日聯盟

論興亞義會

瀏陽興算記

公法學會敘

春秋三傳宗派異同攷敘例

覺顯冥齋內言

目錄

朱子語類已有西人格致之理條證

格致淺理

質點配成萬物說

師統說

各教攷原

史學論畧

儒者以五千年前後之史鏡億兆人操作靈頑之質三代以始迄于有明持論不刊行于上下效之襲于長稚沿之方是時也震且儒士錮于見聞雖漢唐史志頗詳葱嶺以西地執國名而風教闕如元代幾囊括全亞洎入中原鞭長莫及其時士夫未聞究心印度波斯突厥諸事實以攷政俗興衰之迹者 本朝大啟疆宇風力所屆陸警水慄而三百年來氣運轉窮易曰窮則變變則通中國之通斯云劇矣而不變而至死不變卽變己民議官士渾國萃什百千萬之儒冠縫掖諂以三通廿四史之名能備舉其目者不可多得何論寰球夫溺水求援衣不待解落井下石狼己甘心不先使之洞燭古今中外情形而望其奮起是奏韶獲于龔俗固亡怪已荀子曰欲觀聖王之迹則于其

覺顛冥齋內言

史學論畧

一

燦然者矣後王是也謝秋水曰學明理于經而習事于史史于學居十之六而閱歷煅鍊又居其四是故不通中史不知秦漢以來之政治學術或爲真源或爲孽派經數千百變而靡所底而制度典章文物之顯易其程者尙不在此例不通西史不知歐洲數百年以前世家執權民犴故常士譚空理如西歷一千年英吉利人誣格物者爲妖術頗于中國永和遺風爲近惟彼愈變愈實中國愈變愈虛合中西諸史勘之竊惑乎日變皇王之精意者猶硜然以不變爲詞而于俄之大彼得法之拿破侖美之華盛頓一切故實未曾夢見者輒曰彼舊俗然烏有所謂百年以來之新政昔耶律德光謂晉臣曰中國事吾皆知之吾國事汝曹不知也夫以遼與今日泰西較其智愚工拙何如矣而尙能若此然則吾中國四萬萬人曾無通知泰西泰東各國治亂興衰之由

者可乎不可

古者六經皆史也尙書左史掌之春秋右史掌之尙已易爲卜
筮之史詩敘列國得失之迹禮樂史氏之制度經與史相表裏
者也及乎變周之文從殷之質楚書晉乘各自名家于是以馬
班纂述爲正史荀袁紀事司馬通鑑爲編年之史至于兵刑譜
系之殊科詔令奏議之合隸若者爲地理遺編若者爲職官故
事若者沿周官六禮之遺若者仍劉氏七畧之體夫判析源流
周知派別原爲史家常例而有志之士尤以單心四民教養之
原通攷厯代禮樂兵刑之制能見諸施行者爲要務若夫龔宋
代誅心之餘論沿明人評尾之陋習衍爲空談博取甲第斯又
每下愈況者矣要之攷古以證今由中以逮西博觀而約採規
時而達用之四者史學之宗旨也

覺顛冥齋內言

史學論畧

二

是故讀歷代正史編年紀傳之錄通古史也讀 國朝東華錄
東華續錄魏默深聖武記諸書通今史也讀黃鸞憲日本國志
王韜法國志略慕維廉大英國志徐景羅俄史輯譯岡千仞米
利堅志沈敦和英法俄德四國志略暨日本岡本監輔萬國史
記艾約瑟歐洲志略希臘志略羅馬志略英人博那四裔編年
表王韜普法戰紀林樂知瞿昂來東方交涉記林樂知鄭昌棧
列國歲計政要馬懇西李提摩太泰西新史攬要通西史也惟
是中西文字迥然不侔諸史多經舌人轉輾譯成詞意繆蕪誠
所不免是以初學多苦其聲身通人又鄙其委瑣是在儒者平
心靜氣以西史之精者與中史參互研究可耳嘗謂從前未有
西學華人罕能通史學精史裁訂謬者頗不乏人然能破秦
漢以來治亂得失之癥結者十無一二
今襲西學之皮毛華人轉欲廢史學無西學史學亡有西學史

學亡欲拯其失首宜顯揭古今各國政術異同以知強弱存亡之本次考立國源流種類遷徙次列帝王人物中西比較次明各教派別善否知將來環球大地不能越素王改制精心次表各國和戰機要有關全局者次詳各國古時土番與中國獯黎蠻苗漸次消滅之理唐太宗曰以古爲鑑可知得失余謂合中西之古以爲鑑其收效更何如矣

泰西不立史館蓋報館卽其史館也凡遇開議院時君主臨焉王公大臣暨各議員臨焉無論事之大小各伸其說以剖判是非報館卽書之以傳諸一國布諸五洲記有之史載筆士載言其遺意歟故語無忌諱言多實錄視中國之史書爲尤足信況其推廣新聞紙之多雖至酒樓茶肆往往而有是史館爲一國公有之權史學乃四民與知之業且凡民數地數比較多寡火覺願冥齋內言

史學論畧

二二

車鐵路電線推算方里貨殖出入噸數以及官制教會學校園計兵數靡勿籤記賅覈與中史各表志例同案漢書藝文志小說家出稗官如淳謂王者欲知閭巷風俗故立稗官以稱說之蓋今日之報章卽異日之史料政治家格致家律法家胥權衡于此一舉而三善備焉故西國之有君史又有民史者誠重之也誠慎之也

使德日記謂德人苟克深東方學問譯有清漢蒙古語契丹國志年七十六且擬譯遼金元三史又曰愛爾勃女年十三通六國語談中亞細亞洲事甚悉指陳各國形勢瞭如指掌王韜之輯法國志畧也自稱其書本出日本人岡千仞故其中多坳錄日本人重野安繹萩原裕河野通之木原元禮諸人論議甚矣哉海外士女之畱心中西史乘者如彼其眾也震旦之儒自東

髮受書卽戢戢抱免園冊子求名利資低首下心瞑坐苦索天
日黯芴山川慘然孔孟之緒不祀忽諸其稍黠者則刺取坊間
易知錄了凡鑑與胡致堂邱瓊山林西仲一二積率無理之語
曉曉號于眾曰史學史學嗚呼吾不知其廉恥之心之奚往也
己或曰是誠然矣吾且弗論西史敢問讀中史者焉所從入曰
春秋者素王改制之書而三統三世之義足以範億劫恆河沙
世界莫之違也自春秋外則以史記漢書爲要史記得素王眞
派漢書頗龐雜而入書十志古言古例森然于世亦體大思精
之作也正史而外則司馬通鑑致爲詳審其書採雜史至三百
二十二種成書凡十九年天文地理禮樂歷數之大亦頗賅洽
非特紀治亂興衰之迹也其餘則宜專力通典通志通攷三書
而尤以通志爲要然欲舉古今事實貫串源流則通鑑紀事本
覺顛冥齋內言

史學論畧

四

末宋元明紀事本末亦爲要籍蓋自漢以來史家大要紀事編
年二體宋袁樞每事各詳起訖旣免紀傳之一事複見數篇亦
非如編年之一事隔越數卷誠欲通中史者不可少之書也若
夫西史繙繹旣無善本則就以上所臚者悉心鉤稽外第以廣
閱西報爲通人之津逮而已

最古各國政學興衰攷印度 埃及 希臘

天地有朕乎吾烏乎知之無朕乎何以有今日日與八星相吸

相離千萬億兆年不墜曰惟攝力故萬國與中華華離鞆鞆相

持千萬年乃通其必有離吸二力維之夫以秦皇漢武極力通

之而愈通愈塞趙宋以來唱義尊攘極力塞之而愈塞愈通泚

澗子曰乃今知中外通塞之由中古以前中西政學並茂雖塞

猶通漢唐而降西學中微頑獷榛狂漸忘其本實不足通中國

也如獶獠猥黎然斐美土人然昧政槽學並域而居若星球之

相阻也數百年來窮理格物希臘之學大明雖遏抑之不能也

如吾華吳楚滇粵然前梗風教今則胃以神明族以衣冠也知

中外之通塞政學為之則所以攷覈其異同得失之原烏容以

已今夫地阻重洋世逾宇蛤談天炙轂之荒唐識緯禕禕之霍

覺真冥齋內言最古各國政學興衰攷一

芻書缺有閒雖善無徵然勦說流傳不謀昭合靜參橐籥乃識

機鈐如中國子家所稱盤古氏暨天地人皇壽千萬歲不等而

彼中創世記則曰始造生人者曰亞當曰夏娃其子孫蕃衍遍

徙亞歐享年各千百歲印度古書有四大世界說第一名吉利

餘第三名大把拉人壽千餘第大人壽約十萬年第二名對大人壽萬

利為今日世界說尤夸謬近釋家言中國汨陳彝倫以有洪

水之禍彼族亦曰上帝見世人罪惡貫盈用洪水壞此世界惟

命亞當九代孫挪亞備方舟載家屬牲畜以免萬國史記古教

皆有此說其洪水以前或云二千餘年或云萬餘年與堯時洪

水頗難證合同教書云阿丹為治世之祖傳二千年洪水汎濫

有大聖努海受命治水神禹努海遙相輝映亦一奇也若其政

俗學術之流布中西自然符契者難僂指述請言大端以資印

證倉頡制字沮誦左行胠盧右行歐人書皆右行其與中土符

契者一中國古文多象形會意埃及象形等字如月爲八人爲
少雁爲彡房爲口碑爲工之類此外會意成畫難以枚舉其與
中土符契者二中國祭天築壇而彼族摩西初開部落立其兄
亞倫爲祭司長設壇燔祭牲用純犧其與中土符契者三中國
緯書有五帝說而彼族以色列上帝以撒上帝亞伯拉罕上帝
亦曼衍支離不可究詰其與中土符契者四中國言黃帝帝堯
后稷上帝感生彼族亦衍爲上帝配人或天使或天僕或聖女
誕生諸說緣飾夸張其與中土符契者五中國首重倫常而彼
教十誠諳諳亦以敬父母毋奸毋盜爲言易睚眦而禮義進蠻
野而文明其與中土符契者六語言文字判如霄壤而呼父爸
爸呼母媽媽方言所布天性油然其與中土符契者七中國帝
王誓誥森然而舊約申命記言申上帝之命立千夫長百夫長
覺顛冥齋內言最古各國政學與衰故二
立土師聽訟禁闔者不入會居然華制其與中土符契者八說
文婦人紆臂八寸爲咫創世記以一尺爲一肘咫尺之度視臂
肘其與中土符契者九禮報天而主曰波斯拜火法主拜太陽
謂之景教其與中土符契者十中國九黎亂德人神雜糅于是
乃有媚神祀偶像諸惡俗而西國印度古時此俗尤夥其與中
土符契者十一睢社用人春秋所痛三良殉葬黃鳥悲鳴西國
賢君亦漸惡而痛革之其與中土符契者十二易言七日來復
既濟有勿逐七日得七日自是古言古例彼教以七日安息爲
禮拜其與中土符契者十三十字架原周官午貫之法彼中以
十字爲天方交綫景教碑言判十字以定四方萬國史記述西
教爭異同屢興十字軍是十字架原古制耶蘇被釘適用此物
非十字始于耶蘇也崑崙山之西有一大神爲偶像胸前印誌
十字之形埃及人以尼羅江爲舉國養生

之原江口有一大神之偶像手執之匙卽十字埃及地尼羅江神及土人作文凡生命聖潔幽冥神鬼靈機等字皆用十字化之是則十字之例西國最古之制也十字架者乃波斯國首創刑人之具傳至羅馬不肯以之決本國罪犯而仍用之以罪屬國之人

其與中土符契者十四墨氏兼愛尙同彼教亦無論君民視同平等其與中土符契者十五中國金木水火土爲五行彼族舊說以氣水火土爲四大行西人高一志著空際格致以四大行立說其與中土

符契者十六中國道家有鍊汞點金諸術西人自言化學卽祖道書其與中土符契者十七中國天學首言七政而巴比倫古

歷以日月五星爲七曜月其一日其二辰星其三太白其四與七政說同且周敬王時波斯人披早果拉講七政運行之理其

與中土符契者十八素王改制以元統天以天統君孟子交鄰之學言大事小爲樂天小事大爲畏天而彼族亦有天國之說

其與中土符契者十九中國秦漢之前之政術伸民氣重民權覺顛冥齋內言 最古各國政學興衰攷 三

任舉經史中一言一例無弗然者而西國制治罔不以民爲依歸其與中土符契者二十然則古世雖無相通明文其風俗語

言政術之由西域而寢及印度波斯埃及巴比倫者所在多有而況格致諸學乎蓋自開關以來中國而外印度最强其通中

國亦最先漢時天竺身毒皆一音之轉泰西政學皆由彼流轉而中西離吸

之原印度實爲其樞紐焉不謂前者英以十二萬金公司墟其地奴其人塊塊然芒芒然若鹿豕然今雖稍參用印人其回潮

紀元以前之氣象何不侔也并澥子曰西土自古名邦不下數十其大者曰印度曰埃及曰希臘曰羅馬曰波斯其文章制度

禮樂政刑格致象緯歷算技藝實吾華波及以臻文明開化之隆今無一能自立者盛衰倚伏天之道歟抑政教之不善有以致之也故畧比諸國要略爲吾華殷鑒云

印度

印度極盛約在中國姬周以前萬國史記稱印度耶雅提訓人
民闢疆土文學禮義彬彬四方屬望約在中國一云高加索種

類入印度造梵字著肥大司此土書一云前歷三十餘年有一
族名雅然者自中國來分赴歐洲波斯希臘羅馬意大利其書

載攻戰駕駛耕種烹飪建造各說又分民為聖品貴品良品賤
品四等此為印學由吾華波及之明證古教彙參曰吾閩印度

費大四書而知古初非株守榛徑之國也其書第一論律例之

高下第二論古今格致之學案商小辛時有印人察出三百六

相髣髴又察出地球每年一周十五日為一年與閏月成歲之意

非方而日食月食之躔度攷究成精第三算書第四醫書又曰

周初印人名哈必拉於性理格致之學尤深攷核余謂以英人

談印事必非無本且自云其制度典章多源印度是印度為古

覺顛冥齋內言最古各國政學興衰攷四

時第一強盛之邦毫無可疑無如其政始厄于波羅門教繼厄

于謨罕默德教終仍守婆教不改當周景王時即為波斯所蝕

顯王時併于馬基頓亞歷山德漢時屬大月氏見漢書宋時為突

厥伽寺尼王馬毛多征服隸土耳其者三百年明嘉靖五年元

裔巴卑爾據之迄 本朝咸豐七年為英國削平分其地為八

大部設長官治之岡本監輔曰印度容貌壯偉好文學專信婆

羅門教愚民或轢死車下或以子女為犧牲民分四族貴族不

得與貧民婚教法風俗之不善所以服從他國而不能自立嗚

呼如印度者可哀也已夫印度居五洲中地廣土沃氣溫英人

得之冠帶衣履天下聞印人近多嚮學種茶棉絲等利漸次講
求天或者使復三代以前之聲明文物歟要其三千年來無政
無學假手數萬里外之人以湔除舊俗而尾閭之而藏獲之曾

無二三豪傑出于其間抑吾聞印人近日嗜煙尤眾其民仍死守婆教未衰欲以脫英人羈勒何由哉

埃及

埃及為西國最古之邦其政學若何曰昔埃及賢王美內士在約紀元前三千八百八十餘年有大德教民稼穡設職官造文字修法度諸國

翕然宗之後則拉墨塞功名顯著萬國史記然其國往往為牧者所

據披時殆游牧之國邪自紀元前五百年來國大衰微或隸波斯

或隸馬基頓前三百餘年或隸羅馬前三十年或隸土耳其紀元後一

七積弱與印度等今雖改為藩國而英法爭之不已自去歲啟

衅尤惶忪殆難言狀夷攷其地古跡最多殆三四千年前之極

強大國其民分六族曰祭司族曰軍士族最貴曰農曰商曰工

曰牧最賤且眾余觀其賤牧即知其蔑視前人游牧開基之

覺顛冥齋內言最古各國政學異衰攷五

心其不振也宜哉古教彙參曰埃及王古稱法老位以世及史

云上古為民主之國王由民定有聖書有律例又云有埃及書

二三卷約在陶唐以上其別言輪迴為一書言王事為一書言

地輿為一書醫學重學算學天文各一書又周赧王時埃及設

四學一文字一歷算一象緯一醫學西學又舊約埃及記言埃

及事頗詳故西人述一切文字典章靡不源本埃及且塙鑿言

之曰埃及與中國同源是古時埃及之學為中國傳布無疑乃

西人日衍埃及餘緒爭奇造物中國則自昧本原詫為異學甘

儒者不知之恥蹈數典亡祖之譏是何異埃人之自棄其學也

近日埃及頗能講求實學惜積弱久不能自振光緒二年英法

二國派使臣為清理國債統籌出入是埃及直英法屬部耳

希臘亦古之埃及也何以蹶而復振蓋其政俗善變也考紀元

前一千二百五十七年雅典希臘王德修患眾紳專剝農工先

分爵紳百工乃抑損權貴加惠黎民選人奉行新法此雅典變

法之明驗也紀元前九百年開元老院擇賢者年六十以下為

之開民會凡事必經民會商議始行置法官五員可以糾王及

各長官此為歐洲參用民權之先聲案雅典制度如重兵健門

西人皆巫師他如搜格拉底以理學名家周安克烈測知日月

食交周周顯歐几利德著幾何原本亞奇默德悟重學造螺絲

起重諸器周報意拉朶司的尼測算地球半徑埃克米創渾天

儀秦始此皆塙而有徵者其時政統于學道合于器雄冠歐洲

良非偶然厥後侈心漸萌戰禍日亟紀元前四百餘年雅典統

中降于士帕太夫改國法民不堪命希臘由是頓衰紀元後一

百四十六年羅馬滅希臘為東羅馬仍稱希臘帝國至一千四

百五十年土耳其攻東羅馬取希臘奴之希臘苦土人殘暴私

結一社曰希的里亞于一千八百二十一年公告肇立共和政

體與土人鏖兵七年卒因俄力為自主國自是建學校修律書

政教風俗彬彬日上君子謂其賢于印度埃及遠甚今歲又以

格拉脫農事與土尋釁土雖大勝而希仍不失自主視前此之

受脅于土何如矣若夫歐人之理學詩家亦首推希臘而希臘

七賢古今稱道之弗衰殆西方之鄒魯歟然近來民黨過甚屢

刺俄皇奇禍斯栴君子恡焉若前此弊端百出古教彙參

印度埃及希臘皆古名邦學術技藝冠絕一時惟無善政以輔

之斯數千年不振苟政學相為體用斯辱國可與圖存故夫天

人之輪軸機捩捷于影響有國者知所法哉

波斯

覺顛冥齋內言 最古各國政學要衰敗 六

波斯之立國也當中國帝嚳時有開我摩斯者建都色立齒城

虞舜時分民爲三種曰兵農工治歷象議官分職政法大備

存輯後屬亞西里亞亞西里亞者歐人所謂華生人類之國也周

襄王時波斯裔開里白德復王波斯周懿王時國分爲三曰後

亞西里亞曰猶太曰巴比倫後有居魯士英武絕倫席捲亞西

里亞巴比倫諸部東盡印度河西至地中海北馮黑海裏海至

顯王時併于亞歷山德山德死諸部仍據土自王時合時分蜀

漢建興間舊王裔亞爾達吉始恢復波斯唐貞觀時并于大食

見唐書奉阿刺伯即大食回教憲宗時將軍大厚據波斯再王後唐

時王馬大道拉勵精圖治政教風俗漸復其舊宋時又爲土耳

其阿伯特眞所蝕元太祖時征波斯命察哈台鎮阿母河波斯

屬焉憲宗又以弟火拉兀王波斯明洪武時并于撒馬兒罕孝

覺顛冥齋內言最古各國政學興衰攷七

宗時沙蘭生起兵逐之波斯又自立國迄今分合不常疆土日

蹙英俄交構岌岌不支其海灣緊連印度尤爲俄所必爭其俗

勁悍不及土耳其而屏蔽印度如高麗之于遼東將來或入英

或入俄乃歐亞一大關鍵余嘗攷波斯當周景王時立賽馬司

爲通商口與各國貿遷其王大利烏第一定賦稅興學校增兵

卒築礮臺鑄金幣敬王時國人批早果拉講七政運行之理貞

定王時希魯安多遊歷各邦講求實學岡本監輔所謂波斯之

盛與孔子之教相近蓋指此時其後淪於回教者千餘年人物

闐寂政術陵遲今之得爲英俄甌脫也危矣哉

羅馬

羅馬古名邦教皇又歐洲共主何以一蹶于拿破侖再覆于意
大利曰羅馬自古君民爭權之國其教皇又專以權勢凌人者

也攷羅馬政治之新實當周靈王二十二年分民爲六等貧民免其租賦見西學

存謂回後埃及希臘而興者然至今談性理公法者往往根源羅

馬則當日開明之化概可想見周敬王時羅馬設收稅官建立

考王時羅馬始置司戶每五年檢點戶籍初早莫漢馬築衛路

通溝渠引水四達以興水利又造日晷以測早晚漢馬帝時羅

馬該撒稱帝治憲法定爲開日不問月爲今歐洲各國所遵行

又講文學于都城創李該馬基書院藏書三萬卷成帝時通商

印度爲各國通商之祖章帝時國中廣行美政立然其碑政有

義塾及養老院育嬰堂此皆其文明開化之實證

與秦漢不謀而同者如自來尼河至大羅下河築萬里長城漢

帝值軍餉決乏特開新例令人損納爲泰西鬻爵權輿前英俄

例今皆除之矣中國自漢武作俑漢末且有納粟爲三公者千

餘年來或沿或革至今猶爲厲階仕途雜充流品混淆莫此爲

甚乃者新政大興不惜痛除積習故內外臣工以停捐納爲言

者不下數十人然議者終以此款每年約得六百萬礙難議准

蓋時局方艱餉項奇絀卒除此例仰屋徒嗟當事苦心無難此

共諒所冀利源開拓之後首除此等敝政實天下無疆之福此

顯蹈秦皇漢武之覆轍殊不可解且其君民爭權貴族與庶人

覺顛冥齋內言最古各國政學與衰攷

仇敵紀元前久有此習其民長的連底流與議事官選秀才如

等庶人有爲上將者爲司戶者爲教長流風所扇爲今日歐洲

者二百年來爭端始息事詳萬國史記

爭權之大病而其俗悍勁善戰大類阿刺伯教旨自參尼的構

斃後紀元前三百名將勇士喜功名衽金革于是攻高盧破耶

路卑滅迦太基迦太基名將漢巴尼屢戰皆捷卒爲羅虐新附

之民鼓權責之焰均民權提庇雷駕拉克兄弟以議平擾攘數百

年未已其尤以雄豪稱者有綱標塞薩爾屋大維安多尼列比

鐸猜疑相殺民受其殃其人率與劉聰石勒高歡爾朱榮侯景

朱全忠石敬瑭等雖閒有興學校復民會之君出劑其平不過

雲擾電掣如中國南北朝五季時耳烏足與漢唐比隆哉西三

年羅馬六帝並立後分爲東西羅馬至其教皇橫恣滅絕倫紀外初不過貧寒發

師三百四十二年羣議立爲教皇又造爲天堂地獄之說惑世誣民箝制列邦

凡立君行政必請命焉列國來朝至祇教皇之足以爲榮日耳曼顯

理第四與之爭權不勝困極疏足立門外獲已其橫若此於時大陸諸國人民皆不教無智

故教皇威權首出歐洲頤指氣使奴隸其君犬馬其民無復有

政事學問涵育生靈之制故教皇之強爲歐洲未有之奇阨迨

一千三百三年法人憤其強禽教皇薄尼哈斯第八一千五百

十八年日耳曼人路得唱救世復元之說中國謂之耶穌教以別于天主教別

樹一幟排教皇羅馬由是日微一千六百八年意大利人格

里畧斯精通天文聚徒講學作望遠鏡論地球自轉之理教皇

甚甚下之獄蓋國日不競而仇新學日急一千七百九十八年

教皇又爲法國拿破侖虜送巴黎於是各國無齒之者然陵遲

至一千八百六十八年見逼意人猶趣諸神甫大會羅馬城至

者八百餘人有稍議教皇之非振興新學之益者必深詬之詳事

覺顛冥齋內言最古各國政學興衰攷九

泰西未幾都城遂爲意人有由是觀之古今之紛呶變亂墜蹟

生民者莫羅馬若古今之至愚不靈死守待盡者莫教皇若今

知忌教而并忌新學是甘與教皇伍者也忌新學而并不能保

其舊學舊教是甘爲羅馬俚者也無他苛於見聞梏於章句刑

于老師宿儒之臆說席于魚釜燕幕之奇險而燭火其灰燼愧

備其衣冠者也非亟合中西古學以澄茲孽海再閱千百年世

變奇橫有不可思議者

希臘羅馬古學發微

嗚呼羅馬教皇恃威力仇格致至死不變遂墟其國斯固然矣

難者曰西人以天主教爲公教以耶穌教爲修教修教專與公

教爲仇教皇之惡新學惡修教也修教之研新學傾教皇也今

必言新學誠不蹈教皇之覆轍其如日淪修教何曰子徒震耶

蘇教徒之精新學不知新學之不知耶蘇也若筦墨若列子若淮南若周髀經爲張子瀛海論薛子四國日記所鉤稽者弗具詳請言希臘請言希臘一切新學之句萌如首悟電學者曰大利司當紀元前二千四百餘年覓鐵礦者曰埃及雅依達克德當商大戊七十年造三層槳船者曰果利朶人鑄銀幣者曰斐敦當周宣王四十餘年立民主之政造權衡度量之制當周平王二十七年善理學者曰希臘七賢精天文者曰他里斯卽七賢當周匡定二王時專以格致講授者曰蘇朗來當周靈王十八年誤幾何學者曰歐几利德當周赧王時創渾天儀者曰埃克米當秦始皇二十三年其時希臘之學多與埃及印度波斯等國相觀摩而中國埃及文字異流同源早爲西人灼見攷埃及人多祿某著地誌一書言中國風土俗尙甚詳當中國漢時其覺顛冥齋內言最古各國政學興衰攷十

次則阿刺伯人阿字賽德日記當唐昭宣時蓋埃及波斯猶太之民自漢前流寓中華者不少正不待多祿某著書時髣髴傳述其匡畧也不然彼烏從知之而烏從得之又不然漢書云西通大秦及天竺安息大月氏者甯虛語邪漢成帝時羅馬通商印度購蠶絲歸絲可由印度以逮歐洲中國古時之學豈不能由印度以達歐洲況周時波斯人希魯安多游歷各邦訪求學術安知彼時不卽由印度入中國夫謂天竺安息波斯大秦漢時始通者僅據漢書言之若夫德能及遠之古聖王如黃帝分疆數萬里禹會鯀山執玉帛者萬國安知埃及希臘波斯印度等國不列會盟安知埃及希臘波斯印度等國不賴古聖王格致之學以歸以教育其人民不然吾中國駟行之說及墨氏筦列淮南所稱何以多同西學彼三四千年前睢盱獷悍之西人

何以知有格致何以獨推印度埃及爲開化之祖何以秦漢以前中西實學並茂秦漢以後中西實學並微今夫耶蘇首變摩西之十誠隱參佛氏之精言思以兼愛之說易天下其時初未開創新物新理前民利用然曼衍千餘年其徒之悍黠而有能力者乃取希臘所得中國印度之古學而益精之而無事不推尊其教主而又從而掩其迹曰古人亡是也遂使地球各種各教將悉入其彀中而不覺吾儒不啻亦以希臘古學專歸彼教而忘其曾師希臘忘其曾師希臘所師之中國而顧以末流疲軟空虛之稗學合周孔鑿地明祖不祧甚且弃種弃教視爲固然嗚呼此千萬年之浩劫四百兆人之奇憂也欲得師莫如師希臘莫如起希臘之師而益師之莫如取彼中已獲于師之益及推廣其師之益而還之吾師不爭彼教乃衛吾教不恥彼師覺顛冥齋內言

最古各國政學與衰敗

十二

乃師吾師故在彼以其堅忍悍勁之心力求新學曰富強以樹種樹種以廣教而在我以其堅忍悍勁之心力復新學曰富強以存種存種以綿教

各國政教公理總論

國會

教會

軍兵會

議院

君主

民主

君民共主

公理者唐虞三代君民共有之權衡也民宅于器曰公器器舟于法曰公法法權于心曰公心心萬于理曰公理古者井田學校體用兼貫上下沆漉無飽此心此理也余讀周易尚書官禮春秋王制禮運禮器五帝德洎孟子七篇廢書歎曰伏羲神農黃帝堯舜禹湯文武孔孟公其君民之心之理焦精竭神以謀天下一夫不獲時予之辜何其仁也爾雅曰林丞君也君者羣也羣天下之叕叕蚩蚩而教之養之也桀紂幽厲之用心無他私而已矣楚靈王曰是區區者而不子畀此桀紂幽厲之用心而始皇之所以力征經營也故歷聖之公心公理至秦而大晦漢文帝三代下之令主也其臣賈誼有仁天下之心無仁天下之術宋神宗三代下之英辟也其臣王安石有堯舜君民之識覺顛冥齋內言各國政教公理總論

一

無堯舜君民之材漢武帝唐太宗元世祖明太祖亞歷山德沙立曼拿破侖大彼得華盛頓林肯五洲之雄主也然漢唐元明之雄其主雖其民鄙其天聰陵其天媚之四帝者又陰用其秦皇枯民之術縱橫決盪莫敢誰何此千百年之大癰億兆人之奇瘵也亞歷山德崛起馬基頓囊括席捲卒年甫三十三餘威震于殊俗然無善政善教深入人心沙立曼戰功不及亞歷山德而扶持教化西人稱之勿衰拿破侖雄偉絕世震動全歐佳兵不祥卒流荒島絃太急則折鼓太厲則裂殆天道歟然使歐洲知民心之宜順律法之宜更政教之宜因時變通說者謂其構極大亂象實闡極大治機然哉然哉大彼得艱苦卓絕志肆奇橫古今無偶俄之受制韃靼與黑奴土番無異彼得挈歐洲文學格致學兵商學歸教其民銖積寸累爲天下雄然殘暴嗜

般疑其妻誅其太子大獄斯興戮民亡算其忍過秦皇漢武明
祖遠甚幸戮民以刑者百人千人而止視戮民以術螫及後世
者有間若夫軌唐虞之盛心綿仁學之公理者其華盛頓林肯
之爲君乎旅天位宅民權屣功利弑兵禍廓然夷然是謂大公
痛斥買奴始于加利生成于林肯花旗雲擾終竟厥志是故歐
洲之戰禍者亞歷山德也廣歐洲之教務者沙立曼也萌歐
公理者華盛頓林肯也今夫春秋之指王道備人事泐史家之
例之法之理靡不具焉一言以蔽之曰撥亂世反諸正卽彼釋
氏之學唐宋之儒攻之不遺餘力然全藏之經半談格致慧眼
天眼法眼佛眼備矣大地山河了了到眼星球塵塵釐然燦然
一言以蔽之曰度一切苦厄之二教者皆古聖人悲閔拯世之
覺顛冥齋內言

各國政教公理總論

二

苦心惜儒教眞派厄于李斯劉歆佛教眞派厄于婆羅門與夫
頑空枯禪小乘九十六種外道吾儒中之有語錄時文自鳴孔
教者猶佛門之有黃紅二孽派也而胡安國之言春秋孽之又
孽者也司馬遷深于孔教者也其文洞見本原直刺時隱進游
俠非好亂也悼民權之衰也稱貨殖非逐末也憫商學之失也
陳六家要指而評衡之非等倫儒墨也謂泥守弊生進于大同
則有濟也而目論之儒誦其是非繆于聖人嗚呼孔教微無公
理公理微無信史後世史家言例言法言閩言正言道學儒林
其上能整齊故事藉資參攷其下則魏收作色芻如亂絲無他
二千年來政學汶閻微獨春秋文致太平之宏旨不可聞卽司
馬氏損益得失之微權不可復讀史者習見夫唐宋以降規規
舊制方謂老成坳會尊攘方名忠義務抑民氣方尊朝權禁談

時務方端士習力遏新學方正人心于是專事求副于唐太宗
元世祖明太祖網羅鉗束之私心身矜纓而心圈笠曰是固宜
然 本朝 歷聖相承超唐軼漢通君民之權破中外之

界拓種教之仁觥觥皇猷人天同忭然自開國以來未有通明
政學斟酌古今之大臣贊襄盛美故康熙時曾于意國拿破里
城設中華書院矣而其後闐如又嘗罷黜時文九年矣而守舊
之臣奏請復立纏足之律懸爲厲禁矣內外臣工陽奉陰違弁
髦國憲若罔聞知同治初元議使詞曹諸臣肄西語西學倭文
端尼之光緒初元議開鐵路異論甫平劉錫鴻煽之餘如同文
館海軍水陸學堂諸臣方曰笑腹非之不已其心初非欲弱中
國困中國至于斯極不過沿歷朝以來苟安目前之積習議和
約則必援南宋爲言議開礦則必援明季爲言議立會則必援
覺顛冥齋內言

各國政教公理總論

三

東林爲言一唱百和史文絡繹千金敝帚弋譽清流蓋率四萬
萬之種類爲鄉愿世界上孤 聖德下累民生者皆諸臣之
罪也嗚呼不遠規孔孟改制之精心近擬歐美百年之新政以
承流宣化惟是斤斤前朝錮習惘惘張皇此夏蟲難與語寒冰
朝菌不可言暮夕而欲其恢張能力匡濟時艱顛乎躓矣欲拯
其失宜以春秋爲經以史記爲緯以各國百年來史乘爲用于
唐宋諸史則力抉其秕政之根荄力破其尊卑之隔闕與夫正
統之謬論夷夏之臆說如以尺量帛長短乃見以衡權物輕重
難欺而後可與治今可與道古可與經世可與採眾生可與進
大同王韜曰歐洲各國素無史職近代始有私史其所以披羅
佚事網舉舊聞者大半出各教士之手夫彼教之用心豈僅資
見聞備鈎稽已哉蓋將通黃白黑紅之性情提儒墨佛耶之指

趣儲公理以治二十周之地球也惜乎各國君臣未盡如彼教
之用心故公理有止行其國者英美是有其國參差者法德意
奧日本是有其國毫無公理者俄土是則夫蒼蒼者隱儲一博
攷中西政教以似續素王公理之機之時意在斯乎意在斯乎
何者英倫三島君民共主上下一心可謂公矣其治非澳二洲
雍繡荆榛修治學校漸其狼性革其鴉音撫印度五千里地首
平其良賤之等次道以敦養之法仁人君子之用心耳矣然彼
印近百年止舉議員二人且貪鶩粟稅利以毒亞東之民其善
士或倡禁煙會而政府雅不欲乃已土耳其大國也疆土分裂
岌岌不支英人恐其入俄遂有黑海之助事平但責其不變未
聞實以善政相遺其于埃及清其國債執其國權而埃之不振
如故其于波斯阿富汗緬甸奴之笞之綫之輓之修鐵路通電
覺顛冥齋內言各國政教公理總論

四

也豈時有未至孰有不逮抑公理之未明也美人脫英人輓立
正副總統治民四年任滿與齊民伍釋黑奴重法律養兵不及
瑞士挪威遇戰爭守局外例民是以大和然其于華工也虐之
中日之役不聞弭兵會之言且貸款于日以資之戰法意之興
由于國會然從前怙權世爵尙思乘閒竊發而黨人旅進旅退
動卽紛呶是其失也若法于安南西貢政煩賦重民不堪命意
于阿皮西尼亞剖其國役其民卒爲所敗大損國權事詳丙申
萬國公報
足爲恃權不恃理者戒德之爲政也前亦禁民舉官禁民立會
朝野悖盪束縛萬端逮道光二十八年普王威良第四始一切
弛其禁令是時普民不服王權羣起滋事兵民大戰于市繼而
中者半日普王憂之遂重議俯順民情之制度繼而
俾士麥一作畢起助保王權隱通民氣同治七年牒請下議院

查覈相府所辦各事益國與否其時議員二百三十人俱曰相

國于普大有裨益然其所謂求新班者心滋不悅同治初怨恣

俾士麥隱憂所拊恐猶未已奧國君臣爭權倍蓰于德道光間

奧皇翻西嚴禁報館談外事恐其民備知歐洲改變朝政之舉

遂囂然不靖又使其親信之人遍地偵訪若有效他

愚之嗣皇飛蝶南尤甚于是自俄來徙之恆加利人乘機蠢動

逐飛蝶南戕大臣賴兎兒既而約瑟皇第一立削平恆加利而

亦稍議更新矣同治間又蚡于普始益講新政通民隱而國仍

富強日本痛改其鎖國之謀君民一心孳孳求勝然伊藤諸人

助保王權如俾士麥之于德其餘衍物茂卿之餘論萬國史記

晚一世排宋儒言孔子之道為安民立之制度鼓煽會黨者亦不乏人故以上諸國公

理參差將來不無囂然不靖之舉俄之為無道秦也恃壓力之

覺顛冥齋內言各國政教公理總論五

重府私會之怨振天綱之淳烈其滅波蘭也禁其民操波語習

波文驅民實荒地老幼駢死道路亡算其用心乃秦皇之罪偶

語漢武之徒豪傑關中也使臣偵各國險事必載艷姬以行陷

以酒色廉得其隱編見西國近事彙乃范蠡進西施之詭計也故

五洲之賊公理者惟俄為最土耳其其歷經大亂至死不變今其

改革同盟會黨白耳義府人布喇些路傳檄各處將廢土王二

日本時西班牙因古巴之自立始破其自尊之見思更國政香

事報英報云西班牙從前拘守舊法貪官虐吏暹羅國王憤其疆土

不恤民艱以謂天下之才舉莫西班牙若暹羅國主哉英法于此

日蹙乃慕俄皇彼得之為人決計遍游歐亞誼主哉英法于此

不惟不輔之使成望國且因而嫉之忌之日本雖勝中國然其

人於法則法妬之於波斯則波斯疑之其尤賜賤相向者莫如

俄人由此言之宙合兵爭之事之未已而波羅的海君子但丁

峽波斯海灣之禍之且移于太平洋也可不懼哉可不懼哉綜而論之西人最嚴種類之辨其爭自存也志于燎原迫于恤緯爭則忌生忌則鬻驅其難以公理維繫一民而固之地而界之商而戰之約而餌之忠其民者不必忠其君公其國者不必公其天其難以公理維繫二投骨于地眾犬鬪之投餌于淵眾魚涎之英取麥勒高亞海臂而德俄側目法溝蘇彝士河而英人警訾中俄約修東三省鐵路而全球震爚其難以公理維繫三強弱錯處形執華離此有所盈彼有所絀抵距之微機牙之應任巧反蹟守時則晚其難以公理維繫四律法異關稅異度量權衡異君民輕重異國異其俗士異其學交涉異其宜其難以公理維繫五有此五難以言畫一是求龍章于裸壤奏韶護于聾俗多見其不知審也洪澣子曰不然心力所結教旨斯宏星覺顛冥齋內言各國政教公理總論

六

院

國會

泰西之有國會凡立君行政建學育才和戰機宜工商窳要以及公使領事之利權胥由此出其制可得詳歟曰國會之名見于管子周禮大司寇詢國危詢國遷詢立君左氏言晉作爰田州兵皆是此制四裔編年表言巴比倫於紀元前二千二百餘年向以耆老聽政埃及於前二千一百餘年耆老始立國主巴勒士登於一千八百年人民聰慧物產豐盈共和爲治此爲西

國國會之萌芽至希利尼於前一千四百九十八年商小甲立

一大會于得滿拜力曰安勿克地思各邦舉人充之以議國政

此與今日耳曼合眾國為國會各邦舉人入會之制同則擱然以國會開一千三百二十年希利尼又立來西神教會及以西米亞地校武會其時各會

漸舉民智斯開希臘為政學並茂之祖然哉然我萬國史記言

羅馬於前四百五十四年周貞定王十五年議事官議遺秀才三人如

雅典學法律二年學成還國於是廢執政置大官十人曰特宣

希利以巴的黎支中賢者為之先是律文有言國之大官唯貴

族任之至是貴賤平等共執國權國會之制於斯益著西學輯

為國會之始而不數希臘安勿今歐美各國無國不會無會不

克地思之為國會類失之疏存據此國其權其力以法意奧為至悍德日本為至勁莫美瑞士為至

純請綜其始末而言之法之國會立于紀元一千二百二十二

年宋南宗嘉定十五年其時法王路易征英敗歸乃又一千三

設國會大集臣民公議政事事詳重訂法國志畧百餘年時法王腓立第四即位後大興民會西史稱其朝無暴

政野無冤民上下權利並行不悖逸史氏王韜曰歐洲有議院

有國會君民共治一秉至公所有法律皆受成國會故其為法

以護人民權利為主諒哉無如法政雖由國會而君民爭權于

茲益烈一千三百五十年腓立卒約翰嗣淫昏暴戾不恤政事

與英黑王子戰于波亞疊兵敗為虜國中巨商色耳來昂教長

魯伯基等憤然曰王權微弱不足以立國不如歸權于國會于

時乃立共和政黨一千三百五十六年國會黨逐太子查理民

用騷然城內大亂查理卒登王位仇會黨國會之氣以沮自此

王權與國會迭為盛衰蓋其危哉然一千五百二十一年明武

德十年法朗蘇亞第一為西班牙禽議割地請和國會爭之曰割

地國家大事豈王一人所能爲卒不與日本重野安禪論此事
國王者天下之所立納稅非奉王爲己也死戰非勤王報國也
故王割地民不與王雖亡國尚存此可見歐人自主之權案此
說見法國志畧引陳義甚則法之國會雖囂然不靖而其有益
高錄之以明國會之公理

國家亦非淺渺然是時貴紳教士怙其壓民之故智終以國會
不便于已而思去之上下水火喪亂弘多遂釀成一千七百八

十九年亂階矣自一千五百年至此君民爭權之事甚多大率
作亂事詳法國一君與貴紳教士務以權執壓民心不堪起而
志畧茲不備述

壓勒平民集議非色野欲改舊章王魯意第十六弗善也陽許

之而陰遣兵三萬人圍國會巴黎斯法民遂畔破獄劫王戕世

家教師泰西新史追論法王魯意第十五及一千七百九十二
之專制虐民甚爲慘酷釀成此變

年普奧遣師壁法都人心皇駭國會乃曰是王黨召外兵遂以

清君側爲名出王殺妃及王子與宗戚亡算而後戰退普奧二

國師此事頗類衰周幽厲情形國會之權于時大盛世家教士但側目視無

如之何其後拿破侖以陰鷲雄武之材媚國會得爲將軍敗意

大利兵遂潛奪國會之權以兵力威人國者威其民國會知墮

其術而反爲之用故其雄猜暴戾不亞秦始皇亞歷山德而其

要結民心牢籠國會舉古今豪傑無可等倫故身死荒島而民

思之不置拿破侖死仍共和主政有王魯意斐禮者欲專治國

會逐之仍王前王拿破侖之姪曰魯意拿破侖民主也而拿破

倫思復先業陰擅國權悟會民甚撤議院殺平民又以君主專

制者二十餘年卒有師丹之役亡其身爲天下笑於是國會終

議爲民主國至今不易懲師丹之敗日夜孳孳圖富強卒償德

欸五千兆佛郎爲望國論者以謂國會之力居多此法立國會
之始末也意大利於一千一百四十四年宋高宗紹興十五年設議會其

後受制教皇雖有私會未敢認言得失至一千八百四十八年

道光二十八年聞法人改變制度各會中人怦怦欲動其明年遂自立

爲民主國逐教皇于甘塔然其時法皇方規復君主之業奉教

皇仍都羅馬城意之國會憚其兵力不敢抗未幾法皇敗教皇

亦敗于是數百年分而不合之國竟聯爲合眾會先是意有會

黨名家婆那哩者立于一千八百十四年

嘉慶十年

所言多治國

新法閱數年意人麥薺臚踵立一會擴其名曰新意大利會倡

立民主議以協貴賤平權之理自是國會愈盛數十年間卒強

意國此意立國會之始末也奧大利亞於恆加利未叛前

語見總說

暴君虐民往往而有有王飛蝶南者尤傲很弗廢眾心國會中

起而逐之飛蝶南遜位後國會上下各官屬集雜也納都城議

大政泊約瑟第一嗣

咸豐

乃立議院通民隱籌國用國執遂蒸

覺顛冥齋內言

國會

九

蒸日上泰西新史曰大氏國家能先立一大國會則雖時執阼

危無不了之局旨哉其言泚澣子曰法意奧國會恃血氣之性

抗天澤之分屢逐君戕大臣夷然不之怪可謂勇而無禮者矣

顧強豪之君疊起相持卒不之勝何者彼眾我寡且其宗旨在

強國平權國強矣權平矣彼亦帖然不復嚙由今日法意奧觀

之可知所馭已德國未變法以前居上位者以權執陵人無異

意奧屢經國會中人與之抗論民氣始和

事詳泰西新史

其有一會尤

得公理曰良民會當一千八百七年

嘉慶十年

拿破侖肆毒歐西

普相賜德鷹特立此會以仇法日耳曼列邦遂合爲一日本維

新以來會黨林立而國日強其遲之又久始設立國會尤得西

法之精其抗議論政剛勁不少屈有時譁然然與專爲身家歇

法營私者不可道里計英立議會最早其開國時父老集議立

一人主會見英史及隱伏國會之機後比利敦英先名各邑議會合爲二一曰比利敦會一曰羅馬會薩索尼朝立君行政由

公會議定一千三百二十六年元泰定帝王義德華第三委政

巴力門然巴力門與中國總理衙門軍機處畧同俾英民得聞國

政威名頓顯蓋自是巴力門之權歷千餘年一轍實卽國會也

又別有卑力維議會皆貴人有名譽者有機要事召之參議不

盡關朝政而民間特以此爲重案英上下院俱曰斯比格均由巴力門總司會事國中

大政王與貴人及三等百姓合議而行之百姓言于巴力門亦

任其聚會故巴力門爲國會之魁也至其治所屬地設國會則

有一千八百六十四年英議北美洲屬地設立國會成案其時

議于所屬國設國會一轄以總督一員各省又另設一會辦理

各國公事總督派員分任各省會事詳各國交涉公法論卷二此英立國會

覺顛冥齋內言 國會

之制也若美之國會尤犁然當于人心其制國會爲元老紳董

兩院元老用年三十以上住本土經九年者紳董用年二十五

以上住本土經七年者俱由各邦會邦民公舉凡稅租出納官

員薪俸正副總統進退審判司員以及各政善否均由國會詳

議施行乃華盛頓手定太平之業至今著爲令甲其餘民會籌

立指不勝僂有男會有女會有小孩及男女合作等會有勸世

文會義學會恤貧會戒酒會養老會撫孤會恤瘋會化罪會防

惡會勸農會虞後會勸和會即強兵會凡別國有戰爭則爲之調停而一切格致

輿地工商等會尙不在此例西國諸會大略相同而美尤詳備尤得公理故述之懿鑠哉

美人之用心也希臘苦土人殘暴立一會曰希的里亞一千八

百二十一年以共和政體告列邦卒爲自主國此與普之立良

民會同西班牙于拿破侖強時立一會曰加的斯民限制王權

名曰哥爾的法一千八百二十二年王黨起兵與議會戰王黨潰一千八百七十八年國人羣起唱自由逼政府逐女王國人乃立共和政治會黨日盛葡萄牙于一千八百二十一年效西人所爲廣立民會閱數年湯馬利女王許國人行自由之權荷蘭于一千五百七十六年諸部設公會立共和約之數國者民氣囂然雖不能爲美之純猶不失爲法之勁綜觀五洲大局其以國會強者十中居六七惟俄惟波蘭惟土耳其惟波斯公會未立權勢陵人然其私結會黨以煽民心者實絛有徒岌岌乎殆哉又攷各國交涉公法論臚舉聯邦合成國會之制致得公理一爲一千八百六十六年所立之北日耳曼國會一爲瑞士各邦所合之國會一爲北亞美利加各邦合爲花旗國之國會一爲中亞美利加與南亞美利加各聯邦合成之國會凡各邦

覺顛冥齋內言

國會

十一

交涉爭戰機要必先由總國會議定始行宣示凡各邦合成之會有不關交涉公法者是爲特設之會若禁販黑奴之會與日耳曼之通商公會名爲蘇勿令會以上詳交涉公法論卷二此各聯邦合成之國會視一國所立之國會制雖異而理則同大抵泰西各國之命脈懸於國會國會之機要繫於民心拂其欲則上下沸騰愜其情則君民交泰其創立之始每爲君主世家所不喜其究亦不能與之抗而依違其間意必有二三人傑維持抵制故雖以拿破侖飛蝶南之譎觚雄忌卒難以權力與之衡而華盛頓以其公天下之心一滌爭權陋習此蓋太平之公理仁學之真詮積三代來磅礴沈鬱之氣一千五百兆民守望扶持之心於國會甫露端倪者也將來二十周文致太平之地球其以此哉

其以此哉

教會

或曰彼教盛衰視其兵力之強弱故教之所至兵亦隨之中國
兵力既孱教禍斯棘如上年川省及福建古田案西人輒以哀
的美的書相恫喝當事乃一切任其所欲莫敢抵牾然則欲保
教務強兵其中西樞紐歟曰斯固然矣然昔者十字軍興綿曖
一百七十年死人二百餘萬兵弱矣而氣不衰則其雄于兵力
而戰勝人心者教會為之也攷紀元後三百二十五年晉明帝泰甯三
年西學教士始作議會論定教理此為教會之權輿輯存然當紀元
前一千四百二十五年商太戊五希利尼林休乎即有火把教
會之立一千三百二十年又有來西噉敬神教會之立四裔編

則彼中教會萌芽最早又攷摩西舊約成于一千四百五十三
年亦當商太戊二十三年彼時開部落立祭司創十誠以訓教

覺願冥齋內言教會

召見之嘉其才藝因與通商俄又遣使臣及列侯十六人于英

此為英俄交涉之始嘉靖四十一年英遣使臣鏗金生至波斯

立和約此為英通波斯之始是時西班牙亦神宗萬曆二十六

年一千六英商船至日本此為英倭交涉之始萬曆四十二年

荷蘭通商中國此為中荷交涉之始是年俄遣使臣歷聘瑞典

波蘭日耳曼諸國萬曆四十三年英法航海通商中國此為中

國英法交涉之始四十七年日本遣使羅馬教皇此為日本派

使歐洲之始 國朝順治三年一千六百法和丹瑞丹割地與

法又許通商口岸此為勸和而得利益之始順治十年一千六

年荷蘭人之商于印度者乃設洋行于廣東省垣明年又遣使

至中國此為 本朝與荷交涉之始順治十一年俄國西皮里

亞戌兵構釁中國旋附商人奏書于中國此為 本朝與俄交

尼之塾與官選定名位實政不深禁乃頂登告政府曰教人設
人竟自設攻選定名位實政不深禁乃頂登告政府曰教人設
德國與天主教相惡有年德相畢士馬克管教甚嚴蓋以教人
徧布各國一事不謹將受其殃洵歐洲全局而其徒仍勇悍不
折者會之爲力宏也希臘教一名東教行于希臘俄羅斯等國

教人約得八千五百餘萬之數其教共有十會曰耶路撒冷會
曰亞歷山德會曰安地亞會曰君士但丁會曰俄羅斯會曰夢

吞泥高盧會曰奧地利亞會曰西奈山會曰哥伯羅會曰希利
尼會一名雅典會其中更有自主之東教三派一爲埃及國之布得

教會約十五萬人一爲波斯國之男禿斯教會一爲亞利亞之
阿美尼亞教會其教規與希臘教小異耶蘇教一名復原教各

波羅特士但教行于英美法德瑞典挪威荷蘭非洲澳洲等處教人約
一萬三百五十萬之數其中大小各會指不勝僂姑就其顯著

者言之曰長老會曰十字架會曰長子會曰安息日會曰聖書
會而長老會爲最盛英美兩國多又有曰浸禮會其洗禮將信

浸入曰七日會即安息日會曰正會曰不傳教會曰六禮會曰自主
水內曰七日會即安息日會曰正會曰不傳教會曰六禮會曰自主

會議主人有曰河會曰酒布蘭那會曰騰格會曰孟龍會曰
門徒會各會人數有多有少曰兄弟會謂耶穌奉天生命乃降

所大小亦看民平權之義案此會又名布利毛得會始于一千
八百三十年教師布利毛得所創故名其會約得一千七百八

千名美國約曰媚多地會亦曰美以美會始于一千七百八
得十二萬名約曰朋友會亦名震動會一千六百二十四

們會得十餘萬名曰朋友會年英教師傅格司所創約得十
萬三千八百餘名而美人入此會者尤多蓋美爲民主
國尤喜平權之義故兄弟朋友等會最于美人性情近曰震動
之中又震動會同上曰瑞典伯克會瑞典教師伯克創
麻拉威會麻拉威德國屬邦創于一千四百五十年其會
爲本邦人民所不喜紛紛適異國以廣教指曰天
一會人數約十八萬曰救眾會其會專爲救濟窮人而設創于
四千人約有奇同治九年與招兵會近美國多

至八十萬名加拿大約七千名英國此外小會林立難更僕終

約二千名此立會之意之最善者也

惟福音會歐芬會散地蠻會開波勒會基督扯梯司督會稍能

表見以上各會皆耶教分衍而成猶中國諸子百家胥萌芽素

王精心而自主平權救眾諸會乃耶教真源密密教禁父子兄弟不能相

知剖而司登教規條不許熱食創乃耶教孽派猶吾孟子公羊

大小戴乃孔教真源秦漢以來相沿法制乃孔教孽派也顧彼

有會以聯屬之而氣類日昌我無會以宣揚之而人心日潰至

于角力名場薰心利藪歐脫官民斷橫絕港幸黔首之不我親

以怙其私而向將日抱免圍册子以謂吾宗孔氏吾尊朝廷此

以散遇整以施遇堅坐使彼教之橫溢五洲侵尋內地而我先

王仁天下羣萬彙之大義微言反湮没于俗儒為世大誦此堯

舜周孔之所盡然傷心者何者彼其會民之眾以救世教益

覺顯冥齋內言教會

李提摩所紀長老監督為斯理公理浸禮五大會之數為近為瑞

案五大會于歐洲約三百八十九萬二千六百三十九名于美

洲約八百九十一萬六千六百一十一名于亞洲約二十二萬

九千八百三十二名于非洲約二十五萬二千四百九十四名

于澳洲太平洋羣島約十五萬八千三百一十八名統計五大

洲五大會教友總數一千三百四十四萬有奇教師總數十二

萬有奇若再統計天主希臘耶穌入教之民約四百二十兆有

奇英國光緒十八年總冊据西士言儒釋道三教共四百二十五兆印度

教共二百零七兆回教共一百八十兆猶太教八兆其未受教

名沛根人者尚二百三十五兆救世教益甚顯以地球教會全數核

之救世教冠絕古今已有駕越吾儒之教而其會徒堅忍不拔

蹈湯火如飴主自主平權子人以樂從尤與墨氏兼愛尚同踵

頂利天下之愷合而我猶家自爲教人自爲心不亟明萬世公
理廣立孔教會以繫千鈞于一髮事變奇橫甯可思議耶況各
國交涉公法論二集第五章論甘司單士地名等人將教會與國
會統握一權第六章論多令得地名總教公會與交涉相關之事
其餘以教會參國權見于英法諸志者尙難枚舉可見西人政
教相通之理中國議立學會以修孔教論者已詆其多事況欲
與參國權其不爲庸流譁駭者幾希矣夫舉天下無知彼教權
利與我應修明孔教以通國政之理則烏可以爲國矣善夫王
韜之言曰今各教之在天壤間有盛有衰有興有滅亦隨人事
世運互爲消長再數千百年天主耶穌未知其如何總之道以
人而立人以道而存人不絕則道亦不滅道外無人道者一而
已矣數千百年後各教合一而道乃大同

覺願冥齋內言

教會

五

弭兵會

傳曰天生五材民並用之缺一不可誰能去兵夫西人之有弭
兵會也誠歎僞歎抑迂遠不切事情非今日所宜言歟吾得而
求其朔洞其微抉其理刺刺語天下曰此積千百年神聖之用
心而甫由据亂而及升平者也其在春秋疾火攻疾滅國疾始
取邑故于宋襄之仁嘉其守禮以謂文王之戰不過此蓋將以
開國王之法治萬世而華元向戌弭兵之說所由來也故孔子
生平所惡而懼者戰禍而隱其旨於春秋孟子曰春秋無義戰
而于民賊獨夫之爲太息痛恨之不已此孔教嫡派也惜孔孟
之教不行而衰周而秦而漢而唐宋元明舉孔孟所切齒者恃
爲亭毒萬物之秘殺機旣啟民禍斯棘由是而有項羽長平之
坑劉石河洛之慘回紇長安之焚耶律德光打草穀之虐金幹

離不宋汴之殘黃巢方臘劉福通李自成張獻忠洪秀全以匹夫倡亂殺人如麻天地震動山岳闐然異哉古以洪水猛獸殘人者不同類也今以人類殘人類每經兵燹千里邱墟流血成渠骷髏京觀周餘靡遺傷心慘目何其酷哉尤可異者成吉思汗席其匈奴慄悍之性殄國四十餘殺人五百萬妻妾五百餘人病死六盤山子若孫卒撫中原以奴漢族明太祖成祖無其雄武而陰鷲慘刻類之由此觀之天地氣機之裂日甚一日如成吉思汗其人者尙未絕于天壤恐竭上帝搏人造物之精英不足供其鐫鑿矣可不懼哉今夫西國兵禍如馬基頓王亞歷山德殺人三十餘萬十字軍死者二百餘萬拿破侖窮兵歐亞殺人數百萬及師丹蔑士黑海之役殺人數十百萬不等夫人而知之請言波斯紀元前四百八十年波斯王澤耳士驅眾五

覺顛冥齋內言

兵會

十

百餘萬伐希臘爲希臘將地米斯多所敗僅以身免紀元後一千四百一年蒙古帖木兒郎攻波斯積燭體九萬餘爲京觀一千七百二十二年波斯與阿富汗連兵七年殺人一百餘萬請言羅馬紀元前一百二年大將馬黎約擊迢頓國名于高盧之該色士的殺人二十萬虜九萬人又擊深不爾國名于黑羅那平原殺人四十萬虜六萬人約計馬黎約之爲將殺虜近百萬紀元後六十九年羅馬帝菲士巴山命其子第度圍耶路撒冷大肆屠戮猶太人餓死者六十萬人戰死者一百三十六萬四千人爲禽者九萬九千人絕食死者一萬一千人一百六十年羅馬哈的練又殺猶太民四十四萬人請言法蘭西七百三十二年法將查理馬突耳查理其名馬突耳西語猶鐵鎚也破亞喇伯回兵于波亞利孫突狂戰斬首三十萬級厥後沙爾馬破西班牙身死者三十七

萬人路易十四霸西方用兵四十年設巴士的大獄以檻繫其民縱十五萬世家以牛馬其眾游僻子曰西國千餘年來奇禍橫生蓋難覩縷茲特其戰禍之顯者而已劇心恍目言不忍言

聞不忍聞又況其權執之壓勒虐政之摧殘者哉今夫回祖摩

哈默一作謨竊摩西之緒餘煽梟雄之毒饑殺人為天使之權

戰死有天堂之樂至以其術鞭笞數十國奴隸數十萬人飯依

千百萬眾掠少女萬數肆其淫兇愚其黔首而土耳其波斯埃

及等國方祖述之弗衰今者羣雄時立殺人之器日精殺人之

法日夥殺人之心日侈蒙黜慘怛天日不明塵塵地球殆難思

議雖然吾知之矣兵禍之奇權力構之權力之橫人心岬之欲

平權力正人心莫如因英美已成之弭兵會推廣之以上規春

秋太平之法西國公法家言古之猶太國人以賽亞即有彼此

覺顛冥齋內言

弭兵會

七七

不相攻伐之議而荷蘭儒者虎哥思戡歐洲兵禍乃著平戰條

規行于世蓋即春秋弭兵之旨道光二十九年一千四百歐洲

列國會議于法國京城立弭兵會于是乃有弭兵會之稱然其

機實萌于明天啟四年一千六百英教師傅格司所創之朋友

會會意以好動干戈即治以叛逆之罪縣暖至今其理益著洎

道光間英議院始議定弭兵條規咸豐初又有英人李察重定

弭兵條規又復于各國分設枝會數十年來諸國遵其條規以

免戰禍者三十六次近年英美鑽研此義者益多如南北花旗

之戰英船乘危圖利攻劫美國商船財貨事平兩國公請正人

評曲直乃斷英應償美商銀一千二百萬兩從之

案英美兩國如有和戰交涉案件均經審問堂派員論斷不得妄行開衅今各

國遇有交涉案件多因英美已定之案据為律例又光緒元年日本與秘魯構衅亦請人評定乃已其餘小國因調人而救

甯者頗復不少雖俄法之強橫突厥波斯之頑悍日本之譎觚
難盡執此議相繩然果將來推闡此議之人日多一日即彼桀
驁者亦無詞與之枝梧未必非挽回二千年來兵禍之奇策也
英人羅柏村曰現議兩法如能遵行則各國自得大益其第一
法欲令各國永立利好之約議定各國各派兩人成一和好會
辦理各國相爭之案所派入會之人必爲眾所推舉第二法欲
將各國應許公法彙成一書已經俄京與日內瓦處成會將其
數要欸酌定又在法京巴黎與美京華盛頓所與數國立和約
內亦將數要欸訂立公法爲各國所應允無論因何肇釁俱有
定章辦理使無可疑之處則強國弱國俱免誤起爭端躉哉此
舉乃余向所謂積千百年神聖之用心甫由据亂而及升平者
也故歷數中西史乘兵禍之奇慘者正告馬

覺顛冥齋內言

辨兵會

六

議院

泰西之有議院自羅馬始當中國周貞定王十五年時羅馬因
條律不公選十人公議國政事見前巴勒斯坦當漢宣帝五鳳
元年紀元前一設立政五大會每會七十人迨紀元後八百餘

年法國泰甫帝大選議員一千一百五十一人春秋徵集與之
議國憲一千一百四十四年當宋高宗紹興十四年意大利新
立議會一千二百六十五年當宋度宗咸淳元年英國始定議
院章程垂諸後世嗣茲而降議院大興文明日啟遂爲千百年
有國不易之宏綱惟俄土波斯至今尙無議院識者憂之曰壓
力重則拒力生熱質凝則火山爆君權尊則民變亟法奧前車
民黨覆轍烏可以不寒心哉辭叔法之言曰西洋立國規模以
議院爲最良然如美國則民權太重法國則叫囂之氣太重其

斟酌適中者惟英法兩國之制斯固然矣然余徵之各國議院之實不盡如所言何者美俗近純不後于英法民雖悍不悍于路易十四拿破侖專制之時無已請言美制美議事院與元老紳董兩院並重凡國邦郡邑諸政皆主於民邑皆有會議所公選會長主議擇能書一人以書所議之事然後公舉選士三四人以董邑政此意最近古鄉老法法國政事亦專主於民議院分上下兩院上院議紳三百人其七十五人專議國律終身不改其二百二十五人舉由國之縉紳九年一易下院議紳五百三十四人舉由齊民四年一易凡民十萬舉一人應舉者必年過二十居籍無犯法者在官者不舉凡政先交下議院議始關白上院上院曰可然後行其國之黨三曰君黨志復君權者曰民黨志保民權者曰中黨中立二黨間無成見者三黨遇事輒覺顛冥齋內言

議院

九

齟齬然以可否之多少定議亦卒無不辦夫西國治化惟美爲純法自革命以來上下孳孳圖自強視前此魯意拿破侖在位時氣象殊矣英德固稱盡善然亦未嘗無黨英于宋度宗以前議政舉由巴力門後判而二之凡世爵大者富者入上議院曰勞爾德士一曰比爾士小者貧者入下議院曰高門士上議員無常額曰王曰大教師曰公侯伯子男曰蘇格蘭世爵隨時更易惟阿爾蘭世爵任之終身凡上院讞獄皆以律師賢者充之下議院皆由民舉舉之數視地大小及民多寡或商務驟興亦予多舉凡政由下議院議妥關白上院允者十之七八議員無問早莫皆得見君主事無留滯政以黨成其黨二曰公曰保公黨者因時變通保黨者守舊勿壞二黨視宰相新舊進退之一出一入循環無窮而事乃劑于平德國議院少異英法上院卽

政府宰相爲首部院各官佐之職在行政下院乃議院民之賢者爲首民之才者佐之民議平允上院受成而已上院行政或不當下院得而駁詰俾士麥賢相也嘗謀請下院稽覈政府所行故德雖君權較重之國其于英美制度究不甚相遠其議院會議節目詳徐建寅德國議院章程位次詳明雍雍就緒盛舉哉奧意之制大同而民氣俱類于法日本維新特于明治八年開元老院議長副議長官屬焉其黨人林立浸染意法習氣雖以伊藤博文之功未屢議院心擠之不遺餘力論者謂議院有便有不便遇軍國重事上下狐疑得一二言決之存亡呼吸間則眾擎易舉平時黨人旅進旅退動卽紛呶是其所短然五洲強弱盛衰之樞紐恆于議院覘之報館書其偉論流布環球若血輪灌注周身腦筋知覺運動其百體無或窒滯君子於是樂

覺顛冥齋內言

議院

三

觀焉泚澣子曰有議院必有黨有黨必有公私固然其無足怪然諸國明許以黨黨亦明張其幟明異其途以待權衡于黨之多少而可否之而事無弗舉故西人黨亦黨不黨亦黨私亦黨不私亦黨中國自漢迄明諱私諱黨諱而甚甚而軋軋而兩敗以孤其國何者君子之黨往往蹶于小人之黨小人巧營其黨使人主不覺乃輒以黨名傾君子君子俯首帖耳輾轉牢阱罟獲中供其一逞卒之小人又有小人之小人疊起相乘不至廟社邱墟不止痛乎西人之明目張膽主張國是者施之中國則鼠伏狐媚以售其奸而豪傑之士怨徹九幽也治盜而藪盜甚黨而寵黨防民之術庸有幸焉泚澣子曰有黨黨有黨國小人黨黨君子黨國西人之以黨植國者黨國中人之畏黨若螫者黨黨黨黨賊國賊義賊仁賊羣若法之世家俄之王黨勝朝之

魏客馬阮黨國國于黨國于義國于仁國于羣若國會若議院若唐虞之二十二人三代之父老芻蕘黨黨國二黨淆黨不黨國不國黨黨黨國二黨判國乃黨乃不黨乃義乃仁乃羣乃國是故國非黨之患黨其黨之患書曰紂有億兆夷人離心離德黨不黨于黨黨乃國于國書曰詢謀僉同身其康強子孫其逢吉

君主表

天子天子天子子百官子萬民身以及身子以及子子爲大宗無大宗及小宗無小宗及羣宗子子烈烈綿綿延延巍如天地參如日月燦如雲霓綱領萬物穆穆馴馴其莫之能繩若天之所司莫之能職天下廩然莫之敢犯世及之天下罔不重君主也君主之政貴知所措措諸安則安措諸危則危三代措天下

覺頓真齋內言

議院

三

于仁義而民人洽而禽獸殖而草木茂而四彝賓服累子孫十餘世各享承平數百年秦措天下于法令德澤未加而怨毒盈世視主器如傳舍憎主惡如仇讎禍幾及身子孫誅滅天下後世窮其弊以爲尊君以抑臣貴名而責實重世家愚黔首抑功利士習無用之學官爭殘民之局君孤立于上臣貢媚于下粹有大亂民氣囂然置國事不之問置君主不之顧三代以此興秦以此亡自秦而後羣雄角立肆意驕蹇民變騷然夫君者民之儀也治體之本也三代以下從無三代以上之人主之氣象者何哉積重使然也祖宗如是子孫莫不如是一朝如是累朝莫不如是中國如是外國亦莫不如是俄羅斯今之強國也自元以來衣服制度與華爲近宜萬撫有東俄兼轄西北利亞地崇君抑民禁人讀書其施行政事與暴秦等不旋踵間而身亡

國亂彼得以雄鷲之主仍用君權以庸民智變服飾滌浮儀廢
世家重工藝交鄰國戒守文置客卿任將相國乃大強淵淵稱
治近世以來守其遺策生聚教養不與海內輕重雖以英法德
奧之強皆離合而操縱之駸駸有并通萬國統一環球之勢然
則雖立君主不宜愚民審矣譬之元帥以操軍權猶必有謀士
精卒以隸之非是則士卒譁潰莫可收拾今統羣羣羣曠羣瘠
羣罷癯之人同襄而共理而且深閉而固拒之抑塞而防閑之
求其不離心離德土崩瓦解者不亦難乎當是時也主勢將傾
權其安附墨西哥同文之國也及西人入境獮夷禽薙如鳥獸
然及夫美人立國同洲從風盡改民主蛻離歐洲昂繅求其立
國之民種已非紅人埃及古文明之邦其開化與中國同時亞
立山大以來未有傑出君相禮教漸壞變爲土番英人輔以自
覺顛冥齊內言

君主表

三

主昇以人才而縮其政其餘同洲諸國若蘇丹若摩洛哥若阿
比西尼亞君皆世及臣奉令惟謹其國亦嘗沐浴教化而文明
未啟尤斷斷以互相擄掠爲憲歐洲諸國立約公同禁誡遣教
士爲之師馴至案圖剖分而莫知覺夫非君主之國乎印度緬
甸之入於英朝鮮暹羅因求自主而變爲半主皆君主也今表
君主之國分爲五等一能用其民主權足威行內外者二主權
不足而不能用者三僅存半主者四國內有君鄰國案圖剖分
者五爲附庸之國而不能自達者中國冠冕五洲主權獨重無
可比隆故不表其他已滅國除者不表君子觀於此未嘗不發
深寤焉

君主威行內外主權足不能用半主受命強國君主爲鄰國按附庸

俄羅斯

土耳其

埃及

圖剖分者

埃及
希臘

希臘

阿富汗

希臘
希魯克巴

波斯
阿剌伯

塞爾非亞
克什米爾
羅馬尼亞
布加利亞
門的內哥
朝鮮
安南
暹羅
基發
阿科伯
廓爾喀
蒙古
檀香山
蘇大
義火羅
馬達斯加

阿比西尼亞
摩洛哥
塞內岡比
畿內亞
公額
桑給巴
索非拉
那達爾
蘇丹
突尼斯
阿彌及
的波里
哥多番
達夫
撒哈拉
亞德
莫三鼻給
加弗勒里

蒙古所屬
葉海青海
藏所屬諸土
司亞然
正印屬

民主表

屏億兆京垓人之人而主一二人之人私之至也萃億兆京垓人之人即主億兆京垓人之人公之至也予痛悉其利弊為天

覺願冥齋內言

民主表

三

下告曰公天下者愛力天下私天下者儀狄天下扁鑄天下者天下盜之矣愚罔天下者天下暴之矣堯舜揖讓湯武征誅其事不同順民一也順民何憊然不一脈也天地不樂一脈耶鬼神不享一脈耶祖宗不保一脈耶子孫不守一脈耶樂之實僂之享之實辱之保之實畜之守之實促之是以私天下者不長公天下者罔不昌也何則一人之所短不若眾人之所修十人之志志不若千人之燭燭蒼頡作書容成造歷后稷耕稼奚仲為車其量狹其力少其才智薄非能一人而兼眾有也非能一利而孳眾利也前者翊後者因于人勞萬人藉遂普為文明飲食衣服器用之世界矣世界一耳目心腹之所積也積耳目心腹而成人積人而成家積家而成鄰積鄰而成里積里而成鄉積鄉而成黨積黨而成都邑積都邑而成國積國而成天下為

天下立君君者羣也爲天下立師師者眾也爲天下立朋朋者
黨也爲天下立族族者湊也不羣不眾不黨不湊以孤另天下
上妬于官府下妬于私室則是見相于左而不見相于天下也
見史于右而不見史于天下也見將于閭而不見將于天下也
見士于庠而不見士于天下也見氓于隴而不見氓于天下也
見商于衢見工于廛而不見商見工于天下也乃妨乃疾乃攻
擊乃傾軋乃水火乃盜賊乃兵戈乃痛哭之天下其又安能公
耶夫天下烏乎公公于民民烏乎公公于黨戰國之世民黨盛
行五君羅其魁十門下秦人屏息不敢攖其鋒及五君敗喪秦
收其遺骸以事吞并而六國遂亡後世不察每以六國之亡而
咎秦不知亡六國者卽六國之民於秦無與也何以知其然耶
六國夷滅民哀哀無主尤憤憤以圖恢復故嬴氏一蹶而山東
覺寤真齋內言民主表

豪傑遙起若是民無負于國而權不能側重于上也不亦審乎
昔羅馬之興全恃元老院以爲治主司之權等于王者其後亞
古士都自稱該撒國勢愈強號稱泰平之世乃狃于世守篡弑
相仍君虐其民民勢勢然無所措國局始弱希臘意大利皆君
主之國旋因民黨重削其舊丕變蒸蒸瑞士據歐洲中原一彈
丸之壤因民主而國賴以存又嘗爲各國公會之地其禁別國
教士鈐轄其民以視中國傳教之約又何如也華盛頓者英之
流民首創民主聯邦治體巍巍乎有天下而不與故其國養兵
不餽而學校如林終其身號稱富強後世仰食其福此民主之
裨于治也後之言民政者靡不宗之拿破侖以統領而除帝位
助美自立其爲民主較華盛頓爲先獨私其天下而不公致身
死草莽爲天下笑數十年後亦更爲民主豈非民主之說中于

人心牢不可破乎然其民好武而思動在內則侈為平等均財之說在外則思聯俄以復仇將來必為俄人左右佯許以復仇之兵而令先與英人爭埃及英人必聯意德以覆之歐洲由此不甯俄人乃東顧而收亞東之利然民主之國覆之于一時而興之于百年之後則法能重興可逆睹也美人近尚兼併委瑞納不能保其主墨西哥不能保其境美人嘗以輕稅之法使檀其民納土改隸美國香古巴均噉令改隸聯邦以通東西洋孔道而握其權後有魁傑者出以力征經營天下而成治業如拿破侖之故智者公天下以公政其措施尤不可不慎也今表民主分為四等一民主而締聯邦交其國治者二民主兼轄君主者三民主權足者四壤地褊小僅同酋長而仍不受大國之制者

民主聯邦 民主兼轄君主 民主內外權足者酋長特立

覺顛冥齋內言

民主表

美利堅
合眾國

法蘭西兼轄安秘魯
南馬達斯加智利
君主之國

摩求奈

		<p>哥拉烏委厄新玻巴墨 多拉巴拉拉瓜加利西 番巴拉圭圭多那那大非亞銀國附</p>	
--	--	---	--

君民共主表

天尊地庳乾坤定卑高以成上下位有君即有臣有臣即有民民積民成國國積國成天下天下非一人之天下億兆京垓人之天下也不能齊億兆京垓人以統於一而天下爭不能推一以及億兆京垓人而天下亂柳子厚曰有里胥而後有縣大夫有縣大夫而後有諸侯有諸侯而後有方伯連帥有方伯連帥

而後有天子此封建合治之說也後世天子不能獨主天子責之大吏大吏不能獨主一省責之郡守郡守不能獨主一郡責之縣令縣令不能獨主一縣責之佐雜此郡縣分治之說也封建之天下不如郡縣郡縣之天下又因任人以爲治亂唐虞之制建官爲百夏商官倍亦克用又周禮上議院在治朝詢羣臣詢羣吏詢萬民朝士掌治朝之位眾庶在馬上下交資雍雍成治迨及後世內外職員動累千萬其在內者閣臣以下六部以主席政五府以主兵戎都察院以主糾察通政司以主喉舌大理以主刑獄太僕以主戎馬光祿以主膳羞鴻臚以主賓客太常以主祭祀國子以主教育欽天以主律歷宗人府以主宗室詹事府以主青宮彈駁則科道主之記注則翰林主之出使則行人司主之療治則太醫院主之其在外者督撫以下各省設

覺顛真齋內言

君民共主表

矣

兩司以主一省之事布政司以主財賦按察司以主刑名扼要之地又設道以分主之文武相制內外相維如恆星附日如行星附地以植責骨以絡責筋以呼吸責肺以飲食責胃以變血責心以知覺責腦以公正無私責公以章善明理責卿以大夫進人責大夫以通古今辨可否責士司以總其領也師以訓其徒也職以守其業也衡以平其政也掌以專其事也簡厥善率其或不善進厥良策其或不良辟以止辟不臧厥臧相吸攝相指臂共主之天下中國聖明之世有之所由稱盛治臻上理也後世學衰多伺閭弱以爲攻取吏則取之習法官則取捐納科舉兩途進身未幾又恐與民相要結乃有調遣之法迴避之例官民不相習吏士不相知士人伏處鄉里不知經世事賢者自潔其身不肖者醜顏垢面以取媚當世於是一朝之治惟胥吏

知之胥吏知之而法不能行則粥之以網利朝有不便令下而民雖熟視若無所覺大臣瘖塞不知所措庶民又箝口結舌而莫敢宣其意於是羣起而言曰法不能變民不願從如是哉如是哉而於平時離心力割血脈上下不相接則無一語及一事及此二千年以來之通弊也昔王安石變法士人憚于習政交口攻之馴至禮樂兵刑視爲糟粕炎宋諸子出而知實學之不易講遂遁於空虛以避當世之禍自成宗派羣樂逃於政教之外而相率赴之於是舉格致天文輿地測算中國自有之舊學均淪於四裔而莫知所返矣嗚呼中國欲反共主之治齊齊然節節然如三代盛時豈不難乎泰西君民共主之國以英爲最強然當數百年前君民二黨斷斷相攻百年而後始成此治體日本大權旁落民思其君藩幕尙攻于餘年而不克竊其位及

覺顛冥齊內言

君民共主表

七

尊攘議起大將軍徒步就邸無敢異言詎非民氣固結之效乎自茲而後去浮談求實學開設元老院比于歐洲亦見權之輕重無分乎君民學不精則權不能自主耳德意志以霸主而執會盟開設總院以統一羣邦各邦君主有退位而爲議員者亦可見權力之盛在議院不在君主也至若各黨相擊而宰相得操其進退可否之權固在開明政學識其黨魁已豫絕非齒莽攻試求人才于暗中摸索者也今表君民共主分爲三等一爲帝治一爲王統三爲以別國之君而自存民政者其餘各國所闢新疆與以治權者雖不能成國亦附表焉

其內政外交仍賴本國者不表表其

若藩屬而又若自主者

君民共主成帝君民共主成王以別國之君爲君附

自屬屬土有民政者

治者

統者

而自存民政者

坎拿大美洲地屬英

英吉利
德意志
精細

荷蘭
比利時
西班牙
尼亞即

匈牙利
即匈奴
紐西倫
英屬

日本
奧大利亞
哈喇

葡萄牙
西班牙

以奧大利亞
王兼王

澳大利亞
洲英屬

意大利
駱曠斯

瑞典
丹馬
腳噠

挪威
以瑞典王
兼王

北般鳥
英屬

盧森堡
以荷蘭
王兼王
兼入

波蘭
日耳曼
公位以
帝兼而
仍存
國治

覺顛冥齋內言

君民共主表

矣

兵學餘談

練將

練兵

海軍

陸軍

遼史孔軍攻

地球雄國獅英虎俄法德意奧日本並鷹麟鴉視賜談伺隙修

器械增軍實鑄鏡造物螻蟻人命以求一逞故俄養兵二百餘

萬人每兵歲需銀一百兩每歲約需銀二萬萬兩英養兵六十

餘萬人每兵歲需銀二百六十兩每歲約需銀一萬五千萬兩

德養兵一百七十萬一千人每兵歲需銀一百一十三兩法養

兵九十七萬七千人每兵歲需銀一百三十五兩奧養兵八十

五萬七千人每兵歲需銀一百二十五兩意養兵七十六萬五

千人每兵歲需銀一百二十兩日本養兵二十四萬九千九百

八十三人每兵歲需洋一百二十元

其餘如荷如比比如丹如瑞典或數十萬十萬不等惟美養兵祇

三萬有奇巴西養兵祇二萬五千有奇為環球所僅見而議者

覺頗冥齋內言

已為之隱憂合五洲養兵之數覈之每歲耗銀不可以億兆計

不知吳絳何心乃為此奇險相持之局以銷蝕物力糜爛生靈

而靡所底夫由開闢至今不過萬年治亂乘除時乃天道然未

有殺機酷烈如歐洲之極者昔者耶路散冷

西方耶蘇教人欲征復之各國從軍者數百萬興十字軍七

破命第一雄視全歐惟未得志英俄乃帥兵六十七萬八千人

波蘭等國從軍者亦三十三萬有奇直搗俄都甫至木司寇

載師丹之戰一日殞數萬人茂士之戰一日殞十萬人俄土戰

加里布一刻殞三萬二千人英國泰晤士報泰西軍興而後自

咸豐二年訖光緒三年戰死疆場者凡一百九十餘萬人耗餉

法兵三十三萬有奇奧意荷蘭瑞士

莫斯哥已喪兵三十餘萬及狼狽而歸僅餘數萬人普法戰紀

俄土戰

兵學餘談

兵學餘談

一

凡一萬二千六十五兆元其危機之裂爲中國古史所無今者
兵日增器日利雄猜日甚充其量可以盡一千數百兆之人卽
彼中人亦深惡其不仁而爲弭兵之會近日賴以救甯者往往
而有曩歲中日構釁所喪不及十萬爲時不及二年視彼英俄
黑海之戰南北花旗之戰普法師丹之戰何如矣然竭三四十
年菁華燬諸一旦痿痺腐爛不可收拾窮極事變無論有兵無
兵殆難思議況如去歲萬國公報載英人葛洪之論則直波蘭
我雖未必然然可寒心如每年商戰輸英人五千餘萬兩則直印度我於
此而攘臂言戰是使五尺之童莖擊勇夫也于此而委心運任
是值迅雷之威纘聽弗聞也泝泝子曰由前之說吾不忍言兵
由後之說吾不忍不言兵夫欲樹木者必培其根欲強兵者務
富其國當此之時士困俗學農泥舊法工商日蹙鑽利未宏釐

覺顛冥齋內言

兵學餘談

二

卡林立吸髓敲肌然且司農仰屋羅掘俱窮則措餉難鐵軌初
萌血輪尙帶千里徵調需時月餘流亡載道天日慘曠則運兵
難天下之大武備學堂止一二處弓矢舊制如談天寶則選將
難體操不講團練虛文制兵飢疲募兵烏合則練卒難武員剋
扣相扇成風兵額侵吞十虛其五則成軍難昔英人戈登上書
合肥言此等營官
有斬無赦彼族素重刑律亦爲此語痛恨極矣船械外購良窳不分毫商中飽羅廢槍
羅廢槍
或以二兩購之轉售中國遂作銀一十二兩弊竇益滋則製器難席此數難敵彼數
十年處心積慮薪膽兵機之強鄰譬之委羊于虎饋犬于狼勝
負之鏡無須龜卜故今日不先從事教養之原而汲汲以談兵
自喜者時謂忍人然德之制于法也養兵無許逾七百更番訓
練以復法仇日本之見逼三國也危如累卵痛改兵制卒雄亞
東明治五年改兵部爲海軍省十年定裁判官掌刑法立技術
官掌製造十八年改海軍卿爲海軍大臣贊襄內政十九年

定鎮守府官制及海軍督買部衛生部醫學部檢查會計部製
造兵器學校章程二十一年七月又改海軍大學校官制此日
軍機營海軍大略其陸軍之制大約備兵日國民兵編制之法
其兵有四百六十人爲一聯隊一隊出五百六十五人爲一
步兵三百六十人爲一聯隊一隊出四百九十一人爲一
兵七人為一聯隊一隊出四百九十一人爲一
大隊工部聯兵一聯隊工兵聯重兵爲一旅團此常備兵之制
戰時步兵一大隊增至八百三十二人騎兵砲兵聯重兵亦如
之通國常備兵共二十四聯隊騎兵八大隊砲兵共六聯隊
此日本經營陸軍大略日與我近又參酌西法已著成效者故
詳稱之以之二國者視我今日情形爲尤棘手然且竭蹶爲之
資攻鏡

收有勇知方之效中國地大物博何求弗遂何欲弗成一經創
創西人輒以病夫譙讓恥孰甚焉故今日不默寓武事于四民
教養之中而徒僂仍舊例者亦曰忍人泚澣子曰今額設旗綠
制兵六十六萬一千六百餘人自京師暨各省駐防兵又二
覺顛冥齋內言兵學餘談

十萬餘人厥爲養兵自湘淮軍起如漢文募民之制厥爲徵兵
事平擇其壯者分佈各省不下百數十營是漢武番休易爲常
屯之制厥爲徵兵而成養兵兵額之夥方駕德俄然馬兵月餉
一兩五錢步兵一兩二錢守兵僅一兩微特無以贍家亦且艱
於餬口其不能汰老弱也宜夫明知老弱充數而歲糜千百萬
金錢養此無用之物而從事南畝者復少六七十萬人斯爲兩
失其湘淮諸營月餉或三兩二錢及四兩六錢不等各省多寡
散勇三兩有奇什長過制兵遠甚然以視歐洲月餉最輕之葡
萄牙瑞典葡荷牙每兵歲需銀七十五兩尚有不及則何如盡
裁制兵益餉于新練之兵以蘄實用而彼老弱者得悉散之農
商工三途別謀生計漸起廢人斯爲兩得至西例凡役兵十餘
年以老歸者給餉終身死王事者官爲給其父母妻子日本近

亦仿行此例凡戰沒者由官給其家月費銀十兩子女由官養至十六歲止中國無給餉歸田

之例其戰沒雖間有卹銀然往往無從領取以三四兩有奇之

銀併命沙場鬻身萬險況一身死一家并死其重身家而輕軍

律也人情哉西例自步馬礮兵外有工匠兵供一切架橋掘濠

營壘之用而戰兵不任其勞中國戰兵而外僅有長夫役炊爨

其餘皆戰兵兼之西例軍中最重醫科便入伍時量身材及受

傷療治中國行軍雖有醫官究同贅設然此猶其小者西兵扼

要在能讀書識字測地繪圖中國文武分途有目不識丁之統

帥違問散丁違言測繪然則處今之時非修明武備變通營規

廣設學堂精求將略無以立于地球之上明矣乃綜其要指于

下曰練將武科坴焉曰練兵民團坴焉曰陸軍步馬礮之體用

坴焉曰海軍整頓規制坴焉

覺顛冥齋內言 兵學餘談

練將

周禮諸子之職掌教國子修德學道若有兵甲之事則受之車

甲合其卒伍官則屬諸司馬職則考其道德明文武之不可分

途也中國古來將才如樂毅諸葛亮羊祜杜預韋叡岳飛王守

仁爲儒將韓信馮異王猛賀若弼李靖郭子儀李光弼曹彬宗

澤韓世忠徐達爲大將孫臏吳起白起耿弇楊素慕容紹宗李

晟馬燧爲才將英布王霸張遼劉牢之曹景宗高敖曹尉遲敬

德周德威擴廓帖木兒爲戰將而其折節讀書深通兵法則同

本朝將才輩出如趙良棟岳鍾琪費揚古楊遇春楊芳等皆

能讀書識大義卽額勒登保相傳其神明于三國衍義一書師

爲兵法今事勢日異選將愈難欲規古制協時用莫如創韜略

院于京師廣武備學堂于各省覈實考驗定爲科目升降之

法其武備章程大致有十一體操二常算法并代數句股割圍術便肄槍礮準頭三古今各國兵志及戰場行軍之處四論說

五通中西語言文字及各國情形六礮臺營壘攻守諸法久一長

臺營壘海口邊界等處一暫時礮臺營壘如戰七輿地險要礮

場所築者及攻擊敵人礮臺營壘速率諸法八輿地險要礮

軍者知礮石觸程沙錢險夷經緯南北及駕駛諸法習陸軍者

知步馬礮隊因地布列及水草善惡索孫子十形九地大旨峰

地無孤澤地無絕地無舍圍地無困而退難可誘進險可薄

蓋火器既礮拋物綫之曲直視火綫路之平險故陸軍地形以

審曲面執八陣圖陣法疑兵伏兵奇兵護兵牽制兵及誘敵衝

九軍律十廉明公正和藹威嚴俱備如十者皆能是爲大將才

亟應升之韜略院韜略院卒業又派往五洲游歷緬幽鑿險以

堅其膽識或再送往外國武備學堂比較高下學成授統領營

官及充各武備學堂山長如十者能七能五亦均許入韜略院

學習及往送各國游歷學習如十止三四則不入韜略院仍量

才授每營哨長各省汎把等職此練將考課之大略也今夫泰

西兵律無論王公大臣貴戚子弟均隸兵籍躬賤役與士卒同

甘苦此卽古者大司徒庶子國子有大事致于太子以軍法治

之之制聞某國太子曾充伙長日本有棲川親王以善治兵平

薩摩亂而睦仁之弟與其太子與兵民齒大臣若山縣有朋榎

本武揚諸人皆昔在歐洲充黑衣之職者蓋其統兵大員無不

由學校出身學既成又航海至泰西隸名軍籍如是一二十年

然後回國予以大將之任中國自曾相鄉李合肥深明此指遂

有肄業外洋學生如劉步蟾鄧世昌林泰增曾在彼中立優等

者前歲鴨綠江之戰世昌與致遠畢命洪濤尤爲壯烈惜乎統

帥非人其學成而歸膺管駕者亦屬寥寥而水師學堂之設士

夫且以化外視之琅威理云中國重文輕武往往小視海軍將

覺顛冥齋內言

兵學餘談

五

弁故世祿之家不喜入軍籍此實三十年辦理海軍之病源故
余謂桓桓師艦不熾于旅順威海之驚濤而潛于目笑腹非吟
域牽掣之陋習也而當事委曲苦衷至徧國中無可申訴哀哉
今誠立韜略院 京師廣各省武備規制嚴課最于學堂以爲
武生武舉之目寓武會試于韜略院以爲進士侍衛營用之目
如文科詹翰科道以下各職願從事韜略者亦准其入院肄業
及游歷外洋如此十年而武備之精將才之出可操券獲郭隗
曰馮几據杖呀視指使則廝役之人至若恣睢奮擊响藉叱咄
則徒隸之人至故今日大病在文武分途而武科與行伍又分
途是直响藉叱咄之而已矣昔沈文肅有停武科之奏格于吏
議不果而去歲孫御史賦謙復以停刀石習鎗礮請經兵部議
駁引嚴禁私藏火藥之例謂如改試鎗礮是火器爲士子肄習
覺顯冥齋內言 兵學餘談

所必需官不能禁其私藏儻藉睡眠小怨滋生事端恐啟紛爭
之釁惟令營用武進士落第武舉之發標者肆習槍礮乃孫御
史有仍請變通舊制一摺大致以兩利相形取其重兩害相形
取其輕立說 摺云今以槍礮論之弛其禁而紛爭恐傷人命礮
至多亦數十百人將才不得則敵以巧利相攻我以滯笨致敗
其被傷者雖千萬億兆不止夫人苟有仇讐必期致之死地即
刀劍亦足逞兇而禁槍礮遂能防其滋事耶再如各省大盜皆
執路之案傷亡者因以滋多又云刻下吏治廢弛患在紛飾具
文而不實事求是耳若事事認真自強何難之有方今外洋皆
由武備練習槍礮是以中之材益求精而未嘗用進士落
第武舉練習槍礮是以中之材益求精而未嘗用進士落
尚安望其捷足先登也然則與其嚴槍礮之禁博虛 其摺尙未
名而受實禍何如弛槍礮之禁選將才以練兵戎 其摺尙未
見議覆明文余謂槍礮不得私售五洲通例部議自是正論第
孫御史抹時苦心沈痛迫切不可無法以權衡之是在各省各
府書院添設武備學堂由官購槍礮若干藏之學堂於學堂附

近另闢隙地爲演習所槍礮火藥毋得越學堂一步有執槍礮火藥遊行街衢村落者科以罪各府學堂卒業選其知測算準頭者升之省會中學堂中學堂卒業由學政及山長會同攷驗給憑升入韜略院是則利器藏之學堂科目視其術業一切意外之變可防情竄浮器之習可屏而孫御史與兵部原議適相成也若夫體操一事無論何等學堂胥當從事于此則古今中外不易之理也

練兵

周禮小司徒會萬民之卒伍而用之以起軍旅以作田役以比追胥以令貢賦于斯之時兵農合一上下一心有徵兵之便無養兵之害漢興踵秦置材官郡國其京師有南北軍屯亦自郡國調發罷遣衛士必勸以農桑是時兵民未甚區別猶得周官遺意迨文帝募民徙塞下爲募兵權輿武帝時番休變爲長屯覺顛冥齋內言兵學餘談

七

而兵制一壞光武時長屯變爲遠征而兵制又一壞唐太宗頗仿宇文氏法立府兵兩宮營及五府諸郡每月更番宿衛三時務農一時講武其制稍稍復古未幾府兵變爲曠騎曠騎額虛藩鎮事起而貞元以來之禍亟矣宋養兵百萬武功反遠不如唐蓋兵不夙練與無兵同器不精利與徒手同兵多器利而不通其血脈堅其識力與藉寇兵而齎盜糧同存亡之機自古已然以今日歐洲大國言之德盡人爲兵男二十歲至三十歲皆隸軍籍無富貴貧賤俱不能免役其逾三十二歲限滿後遇敵兵壓境仍聽征調惟及四十五歲者免役俄亦無論士農工商大臣子弟年二十一歲報官充兵五年或爲營兵或爲藏兵藏兵以十八年爲期以備國家不時之需英凡馬步技藝三年而成不成者斥成者授之名糧食糧三年爲屆願畱則六年九年

不等若至二十一年則以年老放歸仍給口糧贍之終身法有戰兵有守兵其制大略相同其詳則見列國陸軍制德國軍制述要水師章程諸書要之西國四民多出自兵其攻戰之兵又別有額以爲國兵猶中國養兵之制額兵不足則徵民兵補之猶中國徵兵之制在周官有徵兵無養兵在西人有徵兵又有養兵而其兵民合一呼吸相通雖三代不是過中國額兵旣不可用湘淮練勇日久暮氣漸同旗綠其遇警臨時召募又多市井乞丐無賴之徒以三兩有奇之餉銀驅之駢死槍林礮雨間孔子曰以不教民戰是謂棄之如謂從前起鄉勇剷洪寇拉朽摧枯如風掃籬未爲不精不知其時多出團練如西人由民兵而國兵之制且亦屢經敗衄而後振今與吾構難者又非洪寇徒搏之眾而團練久虛則狃蒲騷之役以致治父之囚亦固其

覺顛冥齋內言

兵學餘談

八

所然欲驟仿歐制令四民悉編入伍非一時所能遽議惟有將額兵及湘淮諸軍之無用者悉汰之仿南皮制府新軍之法各省練數萬人以待不時征調入伍時須年三十以內筋骨強壯血氣充周者方爲合格至立軍章程南皮奏報甚詳可取而觀

時務報

或謂兵苟能精中法亦可禦敵焉用斤斤西法爲曰

子見西軍操練乎每一舉步則萬足齊發一舉槍則萬桿同聲立如植木然行如奔濤然或驟行而止而足一頓地如地震然其連番槍法如貫珠然其陣方如泰山然其陣圓如長蛇然其或散或整如風雲變幻然其兩軍僞攻出奇設伏誘敵衝鋒如臨大敵然視中國之畸零參差聞聲先遁張皇踐踏者豈可以道里計而況西國通例無不可兵之士斯無不能學之兵如師丹之役普兵按法輿圖過其土人路徑之熟前歲倭兵偶爲我

虜者檢其身常有地圖一幅其能諳測繪準頭不問可知中國
統兵大員尙難以此相責是上駟不如其下駟也欲矯其失必
宜於韜略院選統領營官于武備學堂選哨長書記必稍能讀
書識字者方許注名新軍營官哨長時以粗淺算法及山川險
要示之凡教兵士地圖即先用本處各村鎮分圖一指示雖
鄉愚無識者一經示其所身歷之境無不恍然然後由
本府縣而推教以他府縣由本省而推教以他省如邊省緊連
英法俄日本者逆料將來不無戰禍其地圖險要尤宜其悉
又或將歷朝兵要臨陣機宜編成俚語如曾文正水陸歌葉浩
吾天文地學歌之類使之朝夕諷誦粗知匡略既柔其血氣之
剛復蓄其忠憤之蘊而後可與言戰竊意古之軍禮及晉文教
民之法當亦如此至於各省團練欲期覈實則如盛世危言所
紀民團諸法盛京卿條陳練兵之要粲然可觀危言云必須不
一公正廉明能知兵事之員准其會同地方官選買槍礮子藥
凡年屆十六歲至十四歲者皆須報名學習一年匿不報名者
覺顛冥齋內言
送官懲治又西例有免充兵丁數條亦
宜仿訂此規模太闊恐非一時所能議
又攷英國有各鄉團練
局招募土人操練于有事之秋守禦本土以補額兵之不足謂
之鄉兵中國如不能舉國充兵籍則遇有邊警似宜仿英國練
鄉勇法規復中興實政庶不蹈近來倉皇召募之弊歟

陸軍

自火器興而兵異古法其練之理則同諸葛武侯曰軍不習練
百不當一習而練之一可當百八陣六花久伏厥悒列國陸軍
大致不越步兵馬兵礮兵察遠莫礮兵若行捷莫馬兵若轉動
分合整散離奇莫步兵若三者相輔缺一不可如地執平行以
礮兵馬兵爲一大隊而分配步兵爲散隊以迎距其間敵距我
尙遠則必以大礮轟之及其漸近則槍隊步兵逐層排列前跪
後立利斫馬足利伏地避礮彈利突起爲游兵以牽敵執利能

整散離合彌縫馬礮隊之闕若敵陣不動則放馬隊衝之凡橫衝直衝斜衝隨地相宜而步兵或尾其後或從他道包抄之敵陣已潰則萬馬齊發蹂躪平原與歧出包抄之步兵相助能獲全勝若山路崎嶇步兵山兵野礮兵爲宜大礮隊馬隊似難兼用仰攻俯攻進險肉薄其權全恃督步兵之哨長什長全恃分道絕其糧道子藥之奇兵如前此鎮南關之捷法子藥告罄我軍奮勇乘之遂有轉機若中國近來之用兵情形迥異步隊烏合馬礮各不相應斷無倖勝之理今夫平地之用步馬礮如率然然擊首首應擊尾尾應是曰互抵行伍小而靈游兵多而捷是曰便利方陣聚而守從前破回軍利用方陣防馬隊衝突最穩散陣攢而寬無方無圓惟變所適是曰整暇以礮兵亂敵陣而開步兵之路以馬兵遮敵目而便步兵之移以步兵左右礮兵而防攻奪之猝是

覺顯冥齋內言

兵學餘談

十一

曰掩護是故三者滯一不可弱一不可要非百練之軍難與變化練之柰何一曰練器如一槍礮也前膛不如後膛田雞不如來復一子藥也圓彈不如新製墨藥不如栗藥栗藥不如無煙藥其練法於平時用何槍何礮何藥及表尺低昂熱力漲縮速率遠近守之畫一研之必精儻一營二三臨時換易必至蹉跌一曰練膽養由之矢無虛發鱗諸之劍能洞要無他巧也惟堅忍故膽未定則不能忍或放槍太早及敵至而子罄矣或放密且速子未罄而熱漲不可以手矣要之戰事不外攻守二者攻法避實擊虛避銳擊懈其機貴靈守法不獨守城守壘守礮而守陣守隊守時守拙尤宜有忍力持之一曰練耳目惟忍故靜惟靜故靈雖礮雨轟天而耳能聽雖毒烟噴溢而目能明其至要尤在先鋒西名史 西名式 脫帕添助後勁及探路巡報之馬兵之

數軍者鍵全軍性命須耳目及膽至爲靈活堅定乃能有功一
曰練心謀罕默德之爲教也使人以死爲樂故其徒慄悍凶勇
蹈湯火如飴故土耳其經俄人摧殘酷烈猶以善戰聞天下耶
蘇之爲教也亦然兼愛頂踵無所顧恤且爲天堂之說以生其
艷心爲十字架之制以感其憤心故其徒爭種爭教視死如歸
吾華能以舍身愛國爲心者士夫中且不多見安能責之不讀
書識字不濡孔教之恩民是在爲統領營官者事事體察時時
訓迪導以忠孝之真源發其纏綿之愛力勝相讓敗相救生死
相扶持如此乃可與彼教爭衡不然彼以死練心而我畏死之
民不急生其忠心愛心公心實心非獨養兵徵兵不可用而四
萬萬其人者四萬萬其心乃自有地球以來之奇懼也夫兵其
小焉者也

覺顛冥齋內言

兵學餘談

十一

海軍

中日之戰海軍旣燬將復振之其策安在曰船可修礮可購惟
人才難得不獨得才中國難卽選才西國亦難昔英員琅威理
爲水師副提督或曰良將也有扼之者以其不便于己去之後
用洋員其才遜故其名皆不甚著漢納根特陸軍之將耳以治
水師用違其長東溝戰後易以馬格祿又未見其長蓋吾于彼
中人才未能洞悉往往費千萬磅金錢聘一尋常之洋員不獨
無裨于時且貽各國嘲笑夫吾王公大臣不求如伊藤山縣榎
本之身隸黑衣力開運會而但取給外來之將才縱使陸師盡
戈登水師盡琅威理已非持久計而況羊質虎皮之源源而來
也事變蹉跎曷其有極故夫今日海軍雖有聖智實無奇策綜
其指歸不過育才購器選知兵大臣扼全海威權而已攷英于

海軍設童子軍七千人在船學習又立商學堂于兵輪以資閱
歷俄亦有童子軍五千人此中國之亟宜仿行者又宜于沿海

各省廣設水師學堂其有成材護之如嬰兒重之逾科第夫一

夫善射百夫決拾上有好者下必甚焉是為育才艦不必取其

大以便利為要礮不必震其名以靈活為要鴨綠江助戰之西人名揚而者言中

國鐵艦雖大于日本而行駛不及日本日本吉野艦所發快礮

絡繹不絕定遠鎮遠兩艦僅發一礮而吉野之礮已約有四十

彈此船礮之大不其價廉可以多購質小可以合童子軍時時

及小而快者之證其價廉可以多購質小可以合童子軍時時

練習駕駛然放之事將來利源開拓再購如定遠鎮遠者未晚

是為購器從前創設海軍之時參仿西制以親王大臣總海軍

全權寔得要領然自南北洋分為二支粵閩兩洋又分為二支

如秦越人之肥瘠漠不關心中日事起北洋諸艦相繼殲旃而

江浙以南忘捕鹿之特角忍孤雁之離羣南洋之言曰吳淞為

江蘇要衝兵艦斷難

覺顛冥齋內言兵學錄談

抽調閩洋之言曰馬江之塘璩未復臺防

西人謂美德為合眾

况復戒嚴事詳中東戰紀操縱離合論

國不啻一國中國為一統國其畛域牽掣不啻無數小國余聞

斯言為之懼然今再立海軍當有一知兵大臣總理南北閩粵

海權毋受各督撫牽制有事則如日本兩軍迭為前後無事則

縱橫海上攷驗各管駕能否及童子軍沿海武備水師學堂之

課程海軍之興庶有日乎今夫海疆延袤萬里整頓規制勢如
亂絲綜要而言厥端有十一立總海大臣力破如上所云畛域
之弊二沿海廣設水師學堂三倣英俄置童子軍商學堂於鐵
艦四多購快船快礮五規復威海旅順礮臺舊基六設立中國
南北沿海各船塢以扼天然形勝昔英人戈登嘗云鐵甲戰艦
以以便暫時避匿蓋退可以守七廣修船政八因沿海屯兵至要
乃進可以戰孰有利鈍故耳九處立尖圓蓋露聯堡子堡大壘浮臺暗臺各種礮臺九礮臺之

後必設重礮臺所用攻礮戰礮務使近礮與遠礮長礮與短礮相間十不時巡歷海洋遠駛各洲以知沙纜礁石以習風濤以護商民以察各海各島要隘此應舉之宏綱如是其詳則非更僕能終但熟察從前海軍之何以無效將士之何以不用命機栝之何以不靈通而又攷環球水師第一之英國而損益其章程思過半矣傅雲龍之言曰凡防近登宜扼遠口防前擊宜策後抄礮臺宜泥不宜石水雷宜虛實實虛之數語者皆鑒東事之失以爲言而兵家要旨海防秘籙不外是也顧一切皆可從容布置而育才實不能須臾緩如待海口喪盡而後爲無米之炊無衣之燠悔之晚矣

唐宋禦夷得失論

附

有亡國有亡天下唐室之夷患亡其國而止至宋乃有亡天下

覺顛冥齋內言

兵學餘談

三

之禍何哉且夫吐蕃回紇之爲性也不過肆劫掠餓屠淫而已而契丹女眞蒙古則以其凶頑之性狡黠之姿蹂宋人民社稷而殘之而成吉思汗卒以腥羶之種撫有中原臣妾萬眾而黃帝之裔震旦之族由茲不振豈非天哉雖然吾且卽唐宋夷禍言之而禦備之機宜疆圉之得失亦有可觀者焉一曰地執唐都長安自鳳翔西邠州北及河西隴右諸地在在蠶食於吐蕃故代宗之世任其蹂躪往來如入無人之境然幸而幽薊以北尙無強敵生心使中原諸將得併力涇原鳳翔渭北邠甯等處以遏凶鋒自郭子儀建議有事則鳳翔滑濮邠甯鎮西河南淮西諸鎮皆出兵以扼其衝要遂使吐蕃不能逞志於唐若宋則陝西路逼近西夏旣愕貽不敢都而汴京四戰之國又無幽薊爲之屏蔽故西北藩籬皆撤備多力分贍長莫及武功涘焉卽

眞宗承平之世一聞遼警猶朝野憂惶不知所出矧國家多故而能力挫金元方銳之鋒耶然則燕雲等州之不復太宗旣失策於前徽宗又張皇於後無論屬遼屬金屬元河南北終無安枕之日視唐之專注力秦隴之交者利鈍懸殊亦地執然也一日人謀唐之回紇吐蕃兩不相下吐蕃延袤萬里大於回紇而回紇可以議其後且回紇屢有功唐室雖僕固懷恩誘之入寇郭子儀單騎撫之而卽以之抗吐蕃後李泌亦力勸和回紇以討吐蕃此以夷鬪夷之良策而中國坐收其效者也宋則金興而遼滅元興而金滅彼自專心以謀中國而後無反顧之憂中無可鬪之隙西夏李氏雖崛強善戰又往往稱藩於彼以仇宋室欲求如唐之構釁於兩大不可得矣一日時會自古玉門以西諸部自相雄長自相吞噬尙無必得中國之心故回紇雖輕覺顛冥齋內言

兵學餘談

七

唐而敢深入而子女玉帛外無他願焉吐蕃逼處川陝較回紇爲狡黠然亦非有深謀遠慮經營中國之根基唯遼自德光入晉漸萌混一南北之雄心金元得一地卽經營一地其立國規模亦稍異於打牲游牧非尋常狼奔豕突者已也意者西北之氣日新月異時會使然迄於宋遂不可復抑歟一曰人才吐蕃回紇之寇唐正安史亂後其時人才奮興郭李爲之領襄故廣德元年之役令公雖閒散日久僅得二千騎以行而使王延昌收商州潰卒長孫全緒以二百騎出藍田彼時兵未滿萬吐蕃以震懾而退其後又有馬璘李晟渾瑊馬燧百戰之將於邪涇一帶屢挫狂氛吐蕃由是不振唐之人才益其盛哉宋則重文輕武沈溺科第澶淵之役僅一二書生如畢士安寇準輩倉皇籌策而已其能以納幣終直天幸耳至金人長驅入汴州郡之

吏無一折衝禦侮之才雖种師道以夙將勤王李綱以忠義之氣拮持危局竟困於奸庸不得行其志及金人再至而京室墟矣然自南渡後人才漸盛若岳韓劉吳輩幾幾與李郭抗衡則將帥之才以屢經敗挫而出也夫耕當問奴織當問婢安有科第詩酒而能國於羣雄交峙中者哉蒙古滅金圖宋銳不可當孟珙以孤軍與持荆襄巫夔間屹然爲東南砥柱者有年珙亡而宋事遂不可支而又繼以賈似道之昏庸驕蹇喪心病國至於臨安被俘雖有才謂百倍李綱趙鼎之士亦無所施其策矣哀哉一曰藩鎮之建不建藩鎮在唐雖有尾大不掉之歎然以之禦夷禍捍京師莫此爲善夫吐蕃境地邪絡川陝緊鄰川之松茂等州使兩川無一重鎮當之全蜀非唐人有矣自章皋鎮蜀二十餘年屢破賊壘禽其大將論莽熱吐蕃自此絕意於蜀

覺顛冥齋內言

兵學餘談

五

雄鎮之足以大有爲如此其由陝至隴亦節鉞屋羅爲神京拱衛論者烏可以河北三鎮之叛服不常盡疵藩鎮哉蓋必於強寇鄰近之區建立巨鎮舉一切練兵籌餉大事悉假以便宜朝廷不遙爲奉制則廟廊不煩宵旰之憂而疆圉已收指臂之效宋易藩鎮而都邑任金人駛入莫敢誰何乃其亡天下之癥結其後吳氏鎮蜀而金難踰大散關孟珙鎮荆襄而元不得志江淮其效猶可立覩然未能推而廣之以復藩鎮之舊則私之爲害烈也文文山有言曰本朝懲五季之亂削藩鎮建都邑一時雖足以矯尾大之弊然國以浸弱敵至一州則一州破至一縣則一縣破中原陸沈痛悔何及嗟乎斯言誠深得宋之禍原哉夫此數者皆唐宋得失之故昭然史策其選將之法覘敵之謀宋劣於唐遠甚本無可置隊而藩鎮廢興尤古今成敗之由是

以讀史者三致意焉如因唐季之禍因噎廢食則今日事機之裂禍變之奇將有不止於唐而並不止於宋者閭嘗取文山四鎮之議爲今日通籌全局一遼東爲京師根本萬不可棄與俄人宜置重軍黑龍江琿春等處而以遼陽爲建閭之所凡一切練兵選將建學製造悉聽其自主一江南爲南七省輿區宜建爲重鎮以藩王處之如前明陪京之制以備巡幸而鎮鑰長江一陝甘雲貴逼近強鄰宜各建諸侯爲專閭一湘粵宜合爲一鎮而修鐵路橫亘其中以收南洋大利要之必使東南之命脈懸於湘粵而後中原全執脈動筋搖西北雖危六飛猶有駐蹕之所支那猶有復興之望然綜其指歸則必速將曠務鐵路兵械學校用人大之權盡假之各大鎮使自爲變法自爲防守朝夕華孳勉圖萬一而後少紓於有宋亡天下之禍未可知也不覺顛冥齋內言

兵學論說

七

遼史紀事本末

遼史紀事本末

然則又豈惟亡天下而已將使黃帝之裔震旦之族與夫土番之種同歸漸滅而其禍更慘於亡天下則宋祖杯酒釋兵權之私心狡計流毒至今日益不知所底焉矣故使我反覆唐宋以來夷禍之大小而惛惛然懷天荒地老之奇憂也

此甲午年作其時遼東猶未入俄也今則大連營旅順已爲我有而遼東雖建專閭亦無可爲矣撫今思昔爲之黯然

於紀軍軍制闕焉不詳惟百官志於約尼原作詳袞詳袞原作司一條詳其官曰約尼詳袞曰約尼都監曰約尼將軍曰約尼小將軍於是紀軍之制猶可窺見一斑而志又於十二行紀軍云諸紀並有司徒餘同詳袞司自是紀軍提綱之言故以下惟列各宮分紀軍約尼紀軍各部族紀軍羣牧二紀軍而不

詳其立官之制然紘軍名義紘詳衮品秩及紘軍所轄戶數若何猶覺茫如識者憾焉謹案 欽定金國語解云紘卽軍字

詳衮卽長官而諸史拾遺亦云字書無紘字惟引國語解云紘轄紘軍名轄者莞束之義此紘軍之所以稱也至金世多沿遼制遼史軍制官名往往可以金史證之攷金史百官志諸紘詳

衮一員從五品掌守戍邊堡餘同穆昆一作謀克百夫長也皇統八年設本班左右詳衮定爲從五品默濟格一員從八品掌貳詳衮司

吏三人實訥昆掌本紘差役等事他如茂原作紘唐古紘伊喇

紘穆騰原作紘古勒敦原作紘舒嚕紘並依此制案以上各紘皆遼舊地其詳衮品秩當亦斟酌遼制而爲之案遼志又有大

司品秩較崇惟遼制紘軍有司徒如北面諸帳官納尼司徒及各部族司徒皆臚列志中塙是紘軍所屬之司徒而金志無之

蓋金紘軍惟統於各路節度使是爲小異耳又金史東北路部族紘軍曰達喇部原作乃遼太祖發迹之地所分爲五院統以

皇族者此可見遼達喇部之爲紘軍矣曰唐古部二部五紘戶二千五百八十五其他如珠嚕部族寶壘部族烏爾古部族蒙

古部族奇嚕部族布古見部族數皆稱是是每紘戶數定制五百有奇如周官四閭爲族之制如謂二部偶然何以他部皆同

此數此益可見遼紘軍之制亦五百餘戶爲一紘矣又金史西北西南二路之紘軍十曰蘇穆坦原作蘇紘曰伊埒圖原作耶

紘曰古勒敦紘曰唐古紘曰哈瑪紘原作紘曰穆騰紘曰蒙古紘曰茂紘曰呼敦原作紘凡九其諸路曰海蘭曰夫餘曰博索曰

率賓曰呼爾哈曰伊喇皆在上京邊鄙或置總管或置節度使此皆沿遼部族紘軍之制之可攷見者若遼太祖以額爾奇木

覺顯冥齋內言 兵學餘談

受禪金史諸額爾奇木司尙設額爾奇木一員以分掌部族村寨事又有司吏二人實訥昆掌本紮差役等事亦遼立紮軍之遺法也又金史金初因遼諸茂而置羣牧天德間置五羣牧所皆仍遼舊名各設官治之又金史諸羣牧所國名曰烏爾古案茂與烏爾古皆遼金建紮軍之所是紮與羣牧相與維持之舊制縉而攷之百官志所云十二行紮軍則當九帳三房隨而巴納者故謂之行也其云宮分紮軍者何也蓋遼主每以所俘獲子弟籍於宮分歷世有九遂積成四十餘萬之多其中游牧之戶可資守戍可資調遣與室韋韋心腹諸軍相犄角者爲紮軍故志又特明之曰各宮分紮軍其約尼紮軍則已詳百官營衛二志其羣牧紮軍似卽可以茂烏古爾當之是則十二行紮軍及宮分約尼部族羣牧諸軍皆以五百餘戶之紮軍參錯分布而

覺顛冥齋內言

兵學餘談

五

成勁旅而每紮設詳衮司以轄之數紮則有都監將軍等官矣再多則隸於司徒矣故諸紮並有司徒而百官志於宮分及羣牧司無之者各宮分統於皇族羣牧則祇二紮軍故也且百官志所列各軍詳衮司至爲緜多固不盡屬紮軍而其因紮軍而設者亦復不少如咸州兵馬詳衮司下列咸州紮將等官是咸州亦有紮軍至於德呀詳衮司伊喇詳衮司其時德呀伊喇本皆紮軍而宮分軍詳衮司羣牧軍詳衮司則明明紮軍之詳衮司也善夫遼史營衛志之言曰契丹之初草居野次靡有定所至聶呀始制部族各有地分太祖之興以德呀部強熾析爲五院六院奚六部以下多因俘降而置勝兵甲者卽著軍籍分隸諸路詳衮統軍招討司番居內地者歲時田牧平莽間邊防紮戶生生之資仰給畜牧績毛飲灌以爲衣食此實遼人立紮軍

分虜戶之大略是以遼代軍制深得兵農合一之旨無事則爾牧爾田安其本業有事則丁壯從戎老弱居守不煩調發之勞而有折衝之勢此兵制之良者也夫遼於一切治具未遑周及獨其部署軍伍之法至詳且備故雖各軍名號紛歧未能畫一而筦束訓練之權往往操之各詳衮司以屬於各部族司徒而朝廷以北樞密院總其成如身之使臂臂之使指而無乎不宜洪由纘起高以下基其虜軍之謂乎觀於金史兵志謂宣宗南遷虜軍潰去兵勢益弱然則虜軍所係顧不重哉余故詳此以見土番舊制頗可采擇而深恫今日兵制之壞曾虜軍之不若也

交涉甄微

數十年來之主持清議相厲以忠義奮發者不曰用夏變夷卽曰閉關謝使且動以 本朝海禁之開相詬詈嗚呼是何言歟

夫國于地球之上必欲子焉而獨立微獨今所不能亦且古無此理公法家亦云從彼守舊家事以古制相繩庸未知周禮古無獨立之國

掌邦交之事如懷方氏合方氏形方氏及大行人所職與夫春秋之會盟宴享誼例森然果何爲者况孔子言爲命之要自草創以至潤色慎重周詳迴逾常格而左氏言各國交涉之宜隱

推鄭僑爲最故國雖小而能久持于强大之間若夫公羊內外夷夏之說隨時變通期于撥亂世反之正是故公羊爲公法家

言而左氏其條例約章也公羊改制之書爲今學派左氏臆列自融必謂左氏悉劉歆今之列國環峙兵戎玉帛雜遝五洲明

偽撰之書似可不必 覺顛冥齋內言 交涉甄微

明一春秋之局儒者狃於故常耳目所觸動致驚疑或至芥豆之微釀成大變貽 朝廷 宵旰之憂吏亦瞠目咋舌策無所

出竊怪平時著述周禮春秋家說累牘連篇及責以通經致用之效貿然茫然學術之微受之人才可爲嗚嗚嘗覽三洲遊記

等書凡紅人黑人之屬一見黃白種類澀喜聚膠狐疑狼顧彼原教化所不到之區無怪其然今試問澳洲斐洲美洲之土番

十存二三乎其存焉者猶能不改故轍乎奈何以堂堂中國于一切交涉之務衰如充耳其有一二講求弭兵結好之宜者反

予若輩以羣矢之的嗚呼不其恫歎今夫不諳公法律例之學其大病二一則如前異視遠人之弊一則動爲西人恫喝凡章

程條約事事予以便宜如西人稅則輕出口而重入口有值百者有值百抽四十五十者有值百抽百者輕重之間頗寓權衡中國不諳西法于議進口稅之

始凡洋人日用等物多從豁免

見英通商章程第二款

餘僅值百抽五或

二兩五錢不等貽誤至今幾成鐵案

現李中堂議加稅若夫商則未蒙各國允准若夫商

民居何國何地即受治其地之有司本地地球萬國之公法

凡疆內產業植物動物居民無論生斯土者自外來者按理皆當歸地方律法管轄中國不諳律例許洋人

治以洋法華人治以華法有時華人洋人同犯一罪而華人受

重法洋人受輕法已覺不平

西歷雖人命無抵償例同治間漢陽民彭尙會為洋人爐禮士槍斃

明係故殺而領事多方狡展僅罰洋四百元及南匯民張

莊金刀斃法國巡捕巴隴與前案同而以華律論即擬斬

國領事於案情稍重者即以送往西貢澳門審訊為詞而華人

無論何省何縣立地可以正其罪詩曰不平謂何喪亂引多斯

之謂矣至于交涉必明界務尤周禮職方之遺乃曩者俄人來

索舊地而黑龍江以南烏蘇里河以東勘地一誤蹙境數千里

甚至脅我屬國移我界碑而不覺豈古人仕學相關之理而忍

覺願冥齋內言 交涉艱微

若此夫吾中國所以首出萬邦者綱常名教之嚴耳然徒執綱

常名教以驕外人曰爾無君臣爾無父子則試問數十年來逞

忿教堂之舉層見疊出其中固多會匪煽之而搢紳之士以騰

蜚說而構釁成羞者亦往往而然孔子曰一朝之忿忘其身以

及其親以此言之君父安在善夫日本人所著海防臆測曰我

邦知防異教誘民之害而不知備槍砲舟艦力攻之禍又曰近

代泰西吞噬鄰邦大都以兵不以教蓋國俗之極蠢愚者已為

彼所併其存者智思闢兵備嚴非可以異教熒惑而取也異哉

此言距今垂六十年而深知灼見如此然則今之君子與其鳴

孤憤奮空拳貽君父羞何如講求交涉應付之宜折衝樽俎使

君父享無窮之益也孰先孰後孰順孰逆必有能辨之者

或曰萬國公法雖西人性理之善然弱肉強食古今所同如英

之墟印度俄之滅波蘭日本之奪琉球亂朝鮮但以權勢不以性理然則公法果可恃乎曰公法家言多西人布衣下士憑空談以立性法其後執政漸因用之而律法遂爲專科荷蘭之果魯西亞士賓克舍日耳曼之雷部逆此烏拉富海富達美之吐利庚德惠頓英之費利摩羅巴德其最名家者也雖萬事萬物之蕃變紛蹟不能強人人以必從然其發明天然之理制定律意之原國與君之何以相屬教與政之何以相關管理人物之何以分內外轄制河海之何以判公私與夫通商得土之章程遣使和戰之機要販賣黑奴爲五洲之厲禁誅治海盜爲萬國之公權委曲周詳大有成春秋而亂賊懼之意近百年來之恃爲調人以弭兵息禍存弱定傾者亡慮數十百事此春秋家之所以宜明公法歟

覺願冥齋內言

交涉甄微

三

或曰子以公法通春秋毋乃僭歟曰春秋爲素王改制之書上本天道中用王法下理人情治通三統禮存四代今環球各國散無友紀從前羅馬教皇雄視歐洲凡各國立君行政皆須稟命然後施行其後各國日精格致而致富強而教皇因仍故轍其權浸衰大類中國衰周之局今則羅馬故都已爲意滅英俄法德狎主齊盟初非有一統攝歐洲之國如從前羅馬情公法家以空理相維頗有稱天而治之意言者謂春秋爲聖人刑書又云春秋爲正名之書溫城董君則以謂禮義之大宗余謂能本春秋之意治公法之學必有視惠頓諸人更精者孔教眞派庶幾顯明于世何則素王改制垂世之公心經權互用不以古今中外而有闕也

或曰西國設立公法律例專科於古有徵否曰漢書藝文志曰法家流蓋出于理官信賞必罰以輔禮制曰名家流蓋出于禮官孔子曰必也正名乎今公法家言凡國之立必由各國公認

始名爲國否則曰盜如美之自主巴西之改君主爲民主皆選之又久而後爲各國公認此名家

之說也其律法之權不在君相而在律師有如孟子所云皋陶

爲士雖舜不能少假者案曲臺記有大土職注云股制而左氏

堂合可見古時雖無延請律師之法亦有大土與今西人之審判

文而王制刑人與眾棄之意同此法家之精意也漢制明律

得試爲吏胡于西人而疑之今如算學光學重學地學動接諸

其于吾聖人之道無書相證若法律爲交涉要義而謂

合焉者吾不信也

或曰約章以洋法治洋人以華法治華人欲變通之其策安在

曰是在立中西條例館斟酌律意以漸劑其平稅務司赫德謂

華洋案件宜定一通行之訊法通行之罪名乃能經久無弊薛

叔耘亦云宜參用中西律例詳細酌覈如猶不能行即專用洋

法亦可何也華洋交涉之事本與中國自治之法不同以洋法

治華人所以使華人避重就輕也以洋法治洋人所以使洋人

覺顯冥齋內言交涉要義

難逃法外也余謂無論中西律例急以開條例館設法律科爲

要日本維新以來於大學中設立文科使諸生研求律例一經

攷錄充作律師勝其門曰代言事務人由是遇與西人交涉案

件每能援東西律例斷與之爭辨故近來美國與日本訂約

許復其自主之權中國即此一事久失自主之今中國人往泰

西學律攷授律師者如英如法如美皆有之惟一入中國即屬

無用是可浩歎即同文館總教習丁韞良亦著名法家其所繙

譯之書多法家言如法國律例等書是故條例館之開律法科之設非

教習無人也非探索無書也是在當事者一主持之耳案泰西律例多

沿拿破侖命改政之蹟拿破侖雄武冠世爲歐洲構一極大亂象

卻爲歐洲開一極大治機結局雖與吳王夫差同而人心思戀

不以威猛掩其政迹亦其律例便民故耳又案美國

總統起家法律者十居五六西人之重法律律如此

外交論

春秋之世由據亂而升平而太平世愈亂文愈治緯家附會爲漢制作非也宣尼教法治萬世也治西人所謂二十周以後之地球也乃今始句萌矣孟氏孔氏眞派也重睦鄰稱法家斥爭戰之賊臣權君民之輕重李斯孔氏孽派也夜郎其國土番其民而續聰塞明之禍拏至今也今鷹環球之地之種之教亞歐美非澳也黃白紅黑櫻也孔佛耶希回也通萬千年之肩鑄放大一統之機鈐意在斯乎意在斯乎然羣雄環立機身肆應大役小強捕弱智吞愚公使領事雜遯五洲聽其言彼此相助同我太平窺其國爭權拓利炊劍浙矛靡明靡晦昔者中國方盛英人惴惴恐爲支那有我之創海軍也日本譁議制禦之策惟一佞僕大臣曰中國易與耳曾幾何時而情見勢絀若此雖然

覺願冥齋內言

外交論

一

有以強弱土耳其是有以強亡拿破侖是有以弱存希臘是有以弱強法德日本是中國之弱不弱于法德日本受創時而各國之弱中國而雄猜異往時則薪膽其中而玉帛其外是一生死肉骨之機也或曰事急矣柔以處之而遠東近東兩病夫之言耳之而怫也剛以處之而狡焉思逞如瓜剖非洲者鯨有徒也剛柔兩難一切交涉受虧之處雖有聖智未從挽回譬有奇憂者被酒而卧相相然忘其身也迨一驚覺而憂且劇也曾冀侯先睡後醒之論之益滋多慮也余曰不然今天下危機烈矣欲窺其深者不徒一國之交涉務知各國之猜疑夫英俄力征經營而忘其爲蚌鷸也英之言曰俄不得志土耳其阿富汗及波斯海灣乃構西伯利亞鐵路不冰海口又因遼東之役得允修東三省鐵路之約而中人入其彀中而昂乎執亞東之牛耳

而駸駸有太平洋全權以副其大彼得臨終之欲俄之言曰英人之亡印度以商今又以之餌中國也其語言通行五洲潛執五洲之大權也英俄之雄猜如此故合肥相國之賀俄加冕也各國報館以爲携密約而往也而德敬之而英忤之各報之言曰非敬中國也敬俄也非忤中國也忤俄也若夫日本昵英以強者也其忍構釁中國也值俄鐵路未成時試兵威以自立也然其于高麗也爲俄俵也吾聞之披其枝者傷其心中國若此非日本之福也法德世仇又不喜于英埃及之役牴牾啟衅端遂折而入俄德恐俄法之犄角德也亦昵俄以自固然畢士馬克尚在沈機觀變全局瞭然雖有振作不露端倪若有事之時必且聯盟于英也意因得羅馬與法不合必將昵德奧德爭主歐洲中原有夙釁然奧弱于德無如德何但恐增俄以謀德

覺願冥齋內言

外交論

二

乃必號德而虞奧然德與俄無怨奧未遽顛預若此也比利時西班牙則昵法荷蘭則昵英希臘則昵俄餘如瑞典挪威丹馬葡萄牙寶土蘭綠馬尼有中立者有偏助者蓋隨各國盛衰爲向背也土耳其孱弱甚而殘忍好戰其阿喇伯教益仇西教爭戰之禍無歲無之自希臘脫羈縻後塞爾維亞等國效之近且因格拉脫島與希構兵執且不支或曰希實俄主之將來俄欲甘心于土黑海之戰乃其覆轍而英于土于波斯于阿富汗肩重任三而無時釋也美守局外之例養兵不逾數萬然中日之禍曾助欵于日以覆中國抑何心哉夫必明各國猜忌之深知其不暇亟圖我不能協謀我而我處可爲之日鬱自強之機久矣若吾交涉之最棘手者莫英俄法德日本若界務商務稅務教務靡不稍縱卽逝說者以中俄三百年來未啟兵端深爲可

倚近且聯襟牽裾交誼曰密獨坐空山放虎自衛識者危之英
思由緬甸修鐵路至雲南法思由安南修鐵路至廣西蓄謀久
矣今涎俄之直軌東三省也其謀奈何而不急也夫以鐵路關
地之陰謀四方而至而懵于應付之宜者不思展拓局勢研練
人才廣鐵路輪船之利相抵制而曰吾羞伍西人是周牆已圯
猶坏其戶而寢息也而或恃有關中之雄巴蜀之險邊警雖急
而寇窟遷營是穴其室而堙其函盜且從而土之而骷髏我也
德與中向稱親睦然中日之役英擬勸和而德拒之不仁甚矣
然今日聯英甚俄聯俄甚英聯法德鬪英俄而我徐收其利雖
儀秦之辨責育之勇無所用之而爲尋仇日本之議如昭烈之
不忍孫吳者尤爲失策何者兩瞽相遇而爭道不休兩瘖相持
而色然以怒吾見排解者之援以爲功而所喪滋多矣故英俄
覺顛冥齋內言

外文論

三

法德日本俱當開誠布公與之交際而吾之所爭者祇在智其
民強其學富其本不在挾忿尋仇之舉也且惟至人爲能憂盛
危明忍辱負重也昔日本未變法以前亦建議鎖國者也逮爲
荷蘭學者極力通之以有今日然今律法更而約章改利權橫
溢于五洲外船絕迹于港汊則是通塞塞通也中國通亦通不
通亦通與其通于人而失自主之權何如通于己而擴小民之
利且吾民之耳目心思非通未由新也吾民之農商工藝非通
未由師也而況天構一英俄交忌莫敢先發之局乃寬吾痛瘡
未雨之桑根也天構一法德日本政學維新之局乃道吾馳騁
康莊之先路也吾誠痛瘡未雨馳騁康莊安知吾神明之裔衣
冠之族不踐宣尼太平之約收二十周大同之軌也吾猶汶汶
閭閻心忮倪侈侈集集則大地溶溶而成江河星球迸裂而

爲鐵石千萬年皇王之舊國四百兆軒轅之貴種豈可恃哉豈可恃哉今之爲交涉學者不深洞其猜疑不曲明其要害以因應於無形及時而自奮而但斤斤成案瑣瑣約章猶之桎梏於囹圄局促涕泣不清訟源而圖平反而冀獄吏之一緩頰也

通塞塞通論

夫通塞塞通日本其知之矣然昔者鄭成功建僞國臺灣通商東南洋各島大廣招徠與英約曰英公局至臺售貨悉聽其便臺民害英民者爲之平反英民害臺民者英公局長爲之剖斷英人覲王不拘以時有事則見出游無常所不必臺民爲伴王置貨關不取稅進口之米亦然售物加稅百分之三然英無利可取卒止廈門臺灣之貿易是亦以通爲塞也中國奚以至今隔膜也曰中國受病之源難更僕終也中國從前之疆吏以謂

覺顛冥齋內言

通塞塞通論

四

漢于匈奴天上也蜀于南人天威也張皇紕繆苛索抑勒上欺朝廷下愚士庶以貽憂于今日也西人漸知其情僞乃以其通斐澳者通中國而中國不悟也今之條約章程屏中國于友邦外凡有人心罔不眦裂而不知我之屏西人于異類之時其爲西人痛恨者彌歷年歲也方明之季也英人抵虎門欲通商締和華人納葡人言設大礮轟英人英亦然礮相向縱擊二時焚衙署截商船始狼狽許英貿易此以商構衅蒙昧受讒之嚆矢也康熙間英賃屋澳門議納船鈔每舟以一千金請而華官索二千金且以兵環其居乃怏怏去己已英人狄番斯又至粵海監督索鈔益奢爭辨移時擊斃華民一華民旋斃其舟子暨醫士一責銀五千兩贖罪以二千兩請弗許竟去弗顧自康熙訖雍正屢爲華官酷待苛索萬端是時英貨售賣官必百中取

十六凡物必賄官凡舟出入口輪銀千九百五十兩雍正戊申又于出口物加稅什一英人議其不公甲寅稅益增浮收益重議察嚴厲洋商弗堪乾隆丙辰洋舟擊蠻往甯波甯官輒益

恫悞時 朝廷允蠲額外禮物疆吏仍收之而粵商又狡甚其謂英人則曰此官長飭諭制府定議謂華官則曰西人悍而無

禮愚而多詐益務阻塞中西相見之路以便擇肥而蹈積羞成怒積怒成奮乃有能效華言之拂絲德中西紀事以難事五端

請華官裁止一英船到粵停泊日久貨物不能出船二港中多藏宵小官置不問三華官授意商民徧張揭帖詆罵西人四海關胥吏誅求無厭洋增稅官卒不許乃逕之天津

額以供貪饗五中外隔絕不能謁見 謁大臣訴監督浮收貨賄事 朝議寤之爲定百中取六例然終以闕入天津罪下之粵獄三年法荷瑞噤合詞爭之乃釋此

華官酷待西商之成案也至不諳交涉之律辦理過激者如乾隆癸巳澳門華民遇害猝死謫言爲英人肆閭所殺閭適在葡

署華官索之出事無左證遽殺之西人寃之庚子冬英船一法人毆斃葡人法人送華官鞠訊未詢曲直卽縊之死英法以爲

大辱甲辰英船泊粵舉礮賀歲誤傷旁舟三人其一人死逮舉礮吏至年已老公局眾商咸白其無罪蓋西律判故誤最晰華

律誤殺亦從輕減逾九日竟縊死西人謂受華官給大不直之然以上諸案皆忍辱不與華官校若遣使修好懷柔有經或藩

屬或友邦儀文所在不得自欺欺人乃乾隆五十七年壬子英遣使臣馬甘尼斯當東來請通商甯波舟山天津乙卯以國書

至疆吏美之曰入貢禮官書之曰入貢夫西國除屬部外雖小邦舉平行無入貢例迨粵中移文責其入貢英爲愕然嘉慶廿

一年乙亥英復遣使臣斯當冬中西紀事馬禮孫以國書至迨

覺顛冥齋內言 通聖塞通論

抵天津有司設黃幔令循例叩首對言昔馬甘尼未嘗行此禮也是時粵中大府不利英使者之入多方尼之干朝比與中

國押判使偕行抵都門夜半崎嶇車行顛簸昏眩煩倦求停車一宿不可有來請者云往見和公蓋戶部尚書和世泰也架

引至一處見諸王大臣盛服將朝方知被給或又來告日期以明日引見或又曰和公立待引見司當冬言余來倉卒衣冠不

具國書未攜且道途况瘁願以異日遂名副使亦辭以疾仁廟震怒命押回通州以上据華英通商事略中西或曰和紀事薛叔耘四國日記亦同

公等惡斯當冬不肯循中國禮欲以計尼之中西或曰粵督蔣攸銛為之華英通商事略然仁廟雖怒其無禮仍遣理藩院伴

送通州仍令援乾隆五十八年例由內地行走後又知使臣失禮實以中夜昏倦衣車未到之故當日返接又不如儀于是

覺頗冥齋內言通塞塞通論六嚴謹和世泰等仍頒敕諭賜其國王珍玩以答遠忱是

仁廟天地之量懷柔之心無微不至第當時和公蔣公等不諳大體召外釁而辜聖恩律以庸臣誤國之罪寔無可辨其

實諸臣亦非有心誤國也誤于不明交涉之學耳夫不明交涉遂至舉足荆榛然則趙宋以來異視遠人之痼疾深入人心雖

我聖祖神宗痛除此習而未如諸臣何也迨與斯當冬偕來之船三先行回粵粵有司待之尤苛以為此貢船也不許

上岸貿易遂屏之黃埔外視暹羅貢船尤輕英人積不能平遂駕亞爾雪船駛入內河軍士于礮臺開礮禦之無何船礮齊發

軍士遽奔潰四散有司乃權詞遜謝然是役未至大啟衅端者雖未入覲天顏埒知我朝仍以禮遣之不盡如和蔣二公

之冒昧也且其所爭者在商務界務之大而禮節之爭彼固堅

輒不欲發也若其幾至用兵者則有嘉慶十三年圖禮之役中紀事作度路利圖禮怒葡佔澳門求見粵督不許聲言踰半時城將自

破然實無意攻城也如一見可無事乃他日又至粵垣總兵黃飛鵬以師船橫截江面禮駕小舟欲與語不得遽然礮傷英兵

一英船遽退粵人狃是役謂英人易與後遂多事是時中國深惡公局毋使役土人公局船行港中必數擾之雖以斯當東請

弛役土人禁然中西交涉實當軸所不喜且復上下欺朦中外隔閡事例不一時有變端道光八年西人攜眷至粵吏大譁幾

釀巨禍迨二十年禁烟事起領事義律桀驁不就撫遂有大角沙角之師連兵二載擾及三省于是始創五口通商條約于是

中西之局始大變西人習知中國大吏惟以兵脅始俯首帖耳就其圈苙于是每一與師增一利益一國需利諸國尾之遂舉

覺願冥齋內言 通塞塞通論

中國前此疆吏之抑勒其人者抑勒中國而不止向使道咸以前諸臣塙知通商利益與其公法律例政俗風土與之從容計議酌定約章何至糺繆受虧若此魚以煩烹致碎熊以嗜飲爲禽苛勒貪鄙遂梗厲階此中國之愈塞愈通扇其戶而破其闥也或且咎前人之未痛懲之以絕其覬覦也今略舉中西積憤之深如此將謂中國之威福未施於西人耶抑鉗束張皇之自致潰裂耶且彼時經營粵海不過一二十大班數十散商非有豪傑縱橫之士也夫冰洋之險也地心之火也星球之阻也尙鑿之通之不已能獨任中國龐然閉關耶夫鼓之厲也空其中蟲之生也腐其質中國尙能守卧榻鼾睡之覺言驕其士而愚其民耶故不明前此傲很虛憍之所以失則烏能憤忤于一隅轉圜于後日矣不明前此西人之屢經摧抑百折不同則烏知我

今日之受其摧抑者當有堅忍沈毅之力持之矣由前之說去其驕心固心由後之說去其畏心憊心而後于我 聖祖

仁宗中外一家之至意無間焉詩曰不競不綈不剛不柔庶幾哉

各國交涉源流攷

於庠造物者之子今日闢一大通之局也豈徒然哉夸父不得隨日馭而遍乎一周豎亥不能繞坤輿而步之三市今則環球九萬重譯戶庭星輅四出機牙譎觚余以藐然之身覩古人未覩之業窮古人未窮之變時乎時乎天人際乎日月光乎吾得言各國交涉之源以見久蟄思啟久懣思嚏殆極造化之雕鏤萬年之局鑄始有此中外一家之地球歟攻中國帝嚳四十一

年前二千一高加索族種類入印度西境居河濱此為歐人通

覺顯冥齋內言各國交涉源流攷印度之始夏帝芬三十四年一千八百巴勒斯坦即猶通商于阿

非利加西班牙埃蘭諸國此為斐亞交通之始夏帝厘九年一千

六百十印度土民常與西來之高加索民爭戰此為交通致衅

之始商盤庚十七年一千二百印度土民與高加索民講和議

婚此為交涉議和之始商武丁十二年一千二百希臘國造海

船習商務此為航海貿易之始周武王十六年一千四百猶太王

大闢與推羅王海倫作通商條約此為兩國立約之始周康王

五年一千印度與猶太通巴勒士登與亞刺伯印度通商此為

亞西各邦通商印度之始周穆王四十九年九百十意大利與

各國立約通商此為通商各國因而立約之始周懿王元年八百

九十年巴勒士登約少法與埃蘭立約相助此為彼此相助之始

後來此約甚多不及縷述通商約章周景王十六年五百十波

稟纂亦載有彼此相助門其來久矣

斯立撒司馬爲通商口岸與各國貿遷此爲貿易立口岸之始

周景王二十二年五百三十二年埃及海中漁稅納于波斯此爲納稅

海關之始周敬王三十六年四百八十二年羅馬立海關權征商稅此

爲設關徵出進貨稅之始又敬王十二年印度西拉士乘舟自

印度港出紅海至波斯此爲由東至西海道漸通之始周威烈

王十五年四百一十一年希臘史伯大王與波斯三次立約周安王十

二年三百九十年高里得羅馬京城豆尼昔乎與六加尼西立約相

助說見前周顯王八年三百六十一年希臘各國與波斯議和案希臘各

國自周敬王時迄周顯王時百餘年間議戰議和立約甚多此

特舉其大者以明印度波斯希臘爲海外交涉多故之始周顯

王四十六年三百三十二年羅馬與亞波利及六尼加兩國立約罷兵

周慎靚王四年三百一十七年羅馬與三拉地立約罷兵周赧王十年

覺顛冥齋內言各國交涉源流攷九

五百羅馬又與三拉地立約罷兵同時立罷兵之約者又有希

臘楷台止人之與昔西利西里亞人之與印度此爲兩國立罷

兵約之始案立罷兵約載在公法蓋凡兩國交戰均須先立此約然後議和此其權輿也赧王五十二

年二百六十六年西魯背楷台止與羅馬合約此爲諸國合約之始又

赧王五十一年楷台止遣使至羅馬議和此爲遣使議和之始

是時周衰道微七雄並爭而彼中希臘羅馬波斯埃及馬基頓

諸國亦復和戰紛紜交涉條約雜拉並出氣機之感中西一律

異哉迄于秦漢馬基頓巴勒士登羅馬埃及和戰尤繇蓋難罄

述是時漢亦稍務中外通商之事矣孝武朝馬邑人聶翁壹出

物與匈奴交易後因單于來朝許于京師互市此中外互市之

始然未及葱嶺以西也然攷漢書言大夏大月氏安息罽賓駃

駃由西域通至阿富汗俾路芝波斯諸境矣後漢書和帝永元

九年甘英使大秦至安息安息即今波斯大秦即今耶路撒冷耶蘇降生之地也案後漢書大秦傳言其人民皆長大平正有類中國故謂之大秦又言大秦嘗欲通使于漢而安息貪以漢

繒采與之互市故遮闕不得自達至東漢桓帝延壽九年大秦王安敦遣使自日南徼外獻象牙犀角璠瑁始乃一通焉此為

中西交通之始又孝武朝日本遣使于漢此為中日交通之始據日本國志若論衡則以周初倭人貢野草未知所據而日本

人著述則但以隋大業二年遣大禮小野妹子于隋為交通之始而漢志魏書所敘朝觀封拜禮置弗道是自古漢成帝建始四年

二十羅馬通商印度購蠶絲歸此為絲入歐洲之始漢成帝河平二年二十新羅王子天日槍歸順日本此為高麗通日本

之始案以後高日交涉之事甚多而日本觀高之心亦日甚漢獻帝建安二十年紀元後三百耶蘇教士以臘丁文字譯成教

覺顛冥齋內言各國交涉源流攷十書通行泰西各國此為西人傳教之始梁武帝大同十一年百

四十五年土耳其人至亞細亞洲此為土人通亞洲之始唐太宗貞觀六年六百三唐使送三田耜等至對馬島此為中國遣使日

本之始太宗貞觀二十年六百四希臘引中國及土耳其攻羅馬取埃及之亞歷山德城又高宗永徽二年六百五波斯王求

援中國及土耳其以禦阿刺伯不克阿喇伯遂滅波斯此為中國兵威漸播西國之始案此事不見中國史傳或謂西史傳聞

突厥當隋季最强至唐武德間東服契丹山漠南遂空然武后昌後為鐵勒所敗遂衰又為李靖敗于陰山漠南遂空然武后聖歷間復拓地萬里西史言波斯乞突厥兵正當唐時蓋突厥

最近唐雖屢經敗衄兵威猶為阿刺伯所懼故波斯吐火羅滅及中國以禦阿刺伯也又案貞觀十五年西突厥擊吐火羅滅之則突厥已直逾西域之大月氏故波斯因而乞援焉史稱突厥為回紇滅大非蓋其時見逼回紇益遷而西跨歐亞二洲之間而土耳其斯坦故隋唐以聞突厥強于北方中西史能詳之唐宋以降突厥強于極西中西史不能詳之又案唐貞觀末大食發

兵擊波斯波斯遣使來告難高宗以路遠辭之大食遂徵波斯王大食即西史之阿刺伯西史亦云波斯求援于中國不至明年阿喇伯併波斯地中西所紀若高宗龍朔元年六百六西域合符節不得謂其傳聞之失實也

大通以波斯國都疾陵城為波斯都督府拜卑路斯為都督上元元年卑路斯來朝調露元年遣裴行儉送其子泥洹師歸國此為中國遣專使至波斯之始高宗麟德二年六百六十五年遣劉德

高通好日本此為中國遣專使至日本之始唐肅宗至德二年英與法王查理曼書立通商之約又與法盟此為英法立約同盟之始宋太祖開寶三年九百七十年丹麥昔里島人根比恩尋得

兀林蘭新地此為西人廣覓新地之始宋孝宗時英國遣設遊方廣求學術為遣使游歷之始宋高宗紹興十一年一千一百一十九年以後西人覓地甚多不備述

金主阿骨打伐印度此為中國用兵印度之始甯宗嘉定十四年一千二百二十四年元太祖伐俄羅斯明年又攻波斯伐印度滅之立

覺巖冥齋內言各國交涉源流攷 十二

土人為官由是全歐震懾意大利法蘭西俱遣使聘問此為中國威服歐亞而西人遣使來聘之始宋理宗淳和三年一千二百四十二年英法立約息兵五年是時法欲與英和英不許但許息兵此

為展限息兵之始案此後有息兵二年之約或息兵十年之約或息兵二十年之約見西史者最多不及備述宋度宗咸醕九年一千二百七十五年英與法里米國立約通商此為

英與遠國通商之始元武宗至大元年一千二百八十年英始用銀錢匯票與西班牙葡萄牙通商此為英通西葡之始元仁宗延祐四

年一千三百一十七年荷蘭貿易甚盛販運四方是時土耳其旅于歐洲英與意大利立約通商此為荷英土意交通之始明憲宗成化

十六年一千四百一十八年日耳曼即今之荷意志荷蘭諸國遣使于俄俄亦遣使聘問土耳其此為俄與各國交涉之始孝宗宏治十一年一千

四百九十八年歐人至印度十七年葡人設商埠于南印度之哥陳立

總督一員治之漸蔓延西邊濱海地此爲歐人經營印度之始
是時可倫比三次出洋覓得亞美利加大洲爲歐美交涉之始
又遣使至中國征服安南之東京爲覬覦安南之始宏治十四
年英來孟加拉通商二十八年英設東印度公司于孟加拉三
十年荷踵之三十七年英入中印度此爲歐人合窺印度之始
以後印度與諸國交涉甚多不備述武宗正德十五年一千五百二十年葡人通暹羅後
二年與之通商此爲歐洲窺暹羅之始正德十六年葡人立埠
于廣東之澳門此爲中西通商之始世宗嘉靖九年一千五百
英立商埠于美洲之白來齊此爲英美交涉之始嘉靖二十一
年一千五百四十二年葡人至日本豐後國傳砲法明年遂立通商之約
此爲歐洲通日本之始嘉靖二十八年瑞典與荷英二國立約
此爲瑞典通英之始三十二年一千五百五十三年英人航海至俄俄王
覺顯冥齋內言各國文涉源流攷

召見之嘉其才藝因與通商俄又遣使臣及列侯十六人于英
此爲英俄交涉之始嘉靖四十一年英遣使臣鏗金生至波斯
立和約此爲英通波斯之始是時西班牙亦求互市波斯神宗萬曆二十六

年一千五百六十年英商船至日本此爲英倭交涉之始萬曆四十二年

荷蘭通商中國此爲中荷交涉之始是年俄遣使臣歷聘瑞典
波蘭日耳曼諸國萬曆四十三年英法航海通商中國此爲中

國英法交涉之始四十七年日本遣使羅馬教皇此爲日本派

使歐洲之始 國朝順治三年一千五百六十六年法和丹瑞丹割地與

法又許通商口岸此爲勸和而得利益之始順治十年一千五百五十六

年一千五百五十六年荷蘭人之商于印度者乃設洋行于廣東省垣明年又遣使

至中國此爲 本朝與荷交涉之始順治十一年俄國西皮里

亞成兵構釁中國旋附商人奏書于中國此爲 本朝與俄交

涉之始 康熙十六年中國賜書與俄 康熙七年英與荷蘭瑞典合約攻法此

為各國合縱之始 十二年英法立彼此不助之約此為立不助

之約之始 康熙十九年一千六百 英由東方貿易公司通商澳

門此為 本朝與英交涉之始 康熙二十四年波蘭與俄盟以

弭兵之約 易為和好之約 此為議改約章之始 康熙二十八年

一千六百 中國與俄在尼布楚城議定黑龍江和約六條 此為

中俄立約之始 雍正五年又于恰克圖議定恰克圖界約十一

條 乾隆五年又于江甯議定和約十三條 咸豐元年又議定伊犁

塔爾巴哈臺通商章程十七條 八年又于愛理城議定和約三

條 天津議定和約十二條 十年又于京師議定續增條約十五

條 議定陸路通商章程二十一條 又議定續增稅則三年 又在塔

城議定勘分西北界約記十條 八年又于京師改訂陸路通商

章程二十二條 又議定科布多界約三條 九年又議定伊犁塔城邊

界三條 及喀什噶爾通商章程十七條 九年又議定科布多界約

五條 互換新界條約記又議定塔城西南界約七條 十年又議

定喀什噶爾界約六條 十二年又重勘瑯春東界議定約記八

則 又兩國交界道路記六段 乾隆五十七年一千七百 英遣使

臣馬甘尼 斯當冬 至此為英使來華之始 中英交涉構釁事已略見前說茲不贅

道光二十年 一千八百 禁煙四起 二十一年 英人義律擾廣州

經美商代為講和 許償兵費六百萬 并割香港一島 次年英將

濮鼎查 又擾閩廣江蘇等處 兵連二載 于是白門撫議成 首定

五口通商之約 廣州福州廈門甯波 此為中英立約之始 咸豐

又在天津議定新約五十六款 在上海議定稅則暨通商章程

十款 十年又在京都續增條約九款 光緒二年又在烟臺會議

條款三端 十一年又在英京議定烟臺條約續增專款十條 十

二年又議定緬甸約文五條 十六年又在京都議定烟臺條約

續增道光二十七年 一千八百 與瑞典挪威在廣東議定和約

三十三條 此為中瑞立約之始 後無 中國許美通商在白門議

撫之時 而咸豐八年始在天津議定和約三十款 在上海議定

稅則暨通商章程十款 同治七年又在美京議定續增條約八

四款另法國亦於咸豐八年在天津議定和約四十二款章程

補遺六款在上海議定稅則暨通商章程十款 十年又在京都

同治四年又更定商船完納船鈔章程一條光緒十一年又在

天津會定越南新約十款十二年又議定越南邊界通商章程

十九款十三年又續議越南界德國則于咸豐十一年始在天

津議定和約四十二款稅則暨通商章程十款 光緒六年又在

條約十款善後章程九款丹國則于同治二年始議定和約五

十五款稅則暨通商章程九款 後無荷蘭亦于是年始議定和

約十六款 後無西班牙 官書作日則於同治三年始議定和約

五十二款 六年議立換文憑一件光緒三年比國則于同治四

年始議定和約四十七款稅則暨通商章程九款 後無義國則

于同治五年始議定和約五十五款稅則暨通商章程九款 後

增奧國則于同治八年始議定和約四十五款稅則暨通商章

程九款 後無日本則于同治十年始議定修好條規十八條通

商章程二十三款中國海關稅則日本國海關稅則前歲馬關

換約悉經更定秘魯則于同治十三年始議定和約十九款 後

增巴西則于光緒七年始議定和約十七款 後無最後則葡葡

牙于光緒十三年始議定和約五十四款 增專約三款 自中俄

此均據通商至列國交涉案件自本朝以來亦日錄一日凡

盟會戰爭約誓之辭汗牛充棟悉數難終然最要者六十四次

其中尤要者略述之一修好弭爭之約如順治三年 一千六百

日耳曼西班牙英法荷葡戰爭不已乃于威斯達非利牙地方

公立修好之約又康熙五十二年 一千七百于烏德勒支地方

各國交涉源流

十四

立約核定西班牙又同治五年一千八百六十六年普奧二國于潑雷格地方立約彼此永弭爭端此修好弭爭之最要者一公約如嘉慶十九年二十年一千八百四十五年各國因拿破侖窮兵黷武流之

愛力巴島乃于法京巴黎斯奧京維也納及愛克斯排耳地方訂立公約以保太平之局此公約之最要者一局外之約如乾隆三十年一千七百七十年俄人見各國偶有戰事必有局外之邦或

明攻或暗助彼此失利為累不堪乃于法京城立局外約至今遂為公法成案此局外之例之最要者一認自主之國之約如順治五年一千六百四十八年日耳曼應允瑞士為自主之國又西班牙應允荷蘭為自主之國又乾隆四十七年一千七百一十二年英美立約許

美為自主之國又嘉慶六年一千八百零一年各國于阿米恆司公訂和約英始認法為民主之國又道光十一年一千八百三十一年南北荷蘭相攻南荷蘭改為比利時立自主國又光緒四年一千八百七十八年各國大會柏靈公立瓦喇加馬喇達二邦為羅馬尼亞國又立勃

而忌里亞省及悶吞葛竭鈴省意大利羅美連省賽爾維阿海而之地案賽爾維阿一作賽爾斐亞與羅馬尼亞自主省俱為自主小國案賽爾維阿一作賽爾斐亞與羅馬尼亞自主日又光緒十六年一千八百九十年各國認巴西為民主國又去年西

班牙認古巴為自主國此認自主之國之約之最要者一界約如乾隆四十八年一千七百八十三年英法西荷四國于佛賽勒地立約以定美洲非洲屬地分畫界限母相侵越又道光二十二年一千八百四十二年英美于華盛頓京城訂畫屬境界限以杜爭端又咸豐六年一千八百五十六年英法土戰勝俄國與俄畫定土耳其黑海之界

又咸豐七年一千八百五十九年各國于蘇士利畫定意大利交界之事

覺願冥齋內言

各國交涉源流攷

又前年英俄始定巴馬界約此界約之最要者一購地之約如道光二十八年一千八百四十八年美以洋銀一千五百萬購墨西哥之

德撒勒與新墨西哥及上嘉釐豐尼亞各地此購地之最要者一許別國行駛兵船之約如嘉慶十八年一千八百一十三年波斯應允

俄國在司邊海行駛兵船又咸豐四年一千八百五十六年英法諸國議定黑海除兵船外為各國商船所公同往來此兵船不得任意

行駛之最要者以上所據成案不及千中之一然交涉公法之原可以略窺梗概西國公法家云人與人必有交際方能相觀

而善獲益無窮國與國必有交涉方能漸臻上理規模宏遠此乃天命所當然由是言之不明交涉公法之原而倉皇應付匪

惟債事亦且逆天債事者絕權于天逆天者絕國于民何者交涉之法之學西國君民共之而中國僅一二辦理交涉之人操

覺顛冥齋內言

各國交涉源流攷

二

之而民且茫然乃至弁其國其民不能有其交涉之權而後疑天之不仁中國也嗚呼惜哉昔羅馬公法家西細羅云上天生人具有天良知識有此二者則有公法有公法則有分所當得者能聯各國之人令天下合為一大總會而天為其主則天定律法與人定律法合而為一天下從此無爭戰矣旨哉言乎其諸太平世之交涉歟

